

928
7
2

皇
明
文
衡





皇明文衡卷之二

賦

奉制撰蟠桃核賦有序

宋濂

洪武乙卯夏五月丁丑

上御端門召翰林詞臣出示巨桃半核蓋元內庫所藏物也其長五寸廣四寸七分前刻西王母賜漢武桃及宣和殿十字塗以金中繪龜鶴雲氣之象後鐫庚子年甲申月丁酉日記其字如前之數亦以金飾之所謂庚子實宣和二年字頗疑祐陵所書既奉

旨撰賦垂誠方來臣濂謹按王母獻桃事詳見張華博物志第八卷史補類華言桃七枚大如彈丸遺帝五自食其二以今桃觀之且十倍於彈丸則其實之如斗可知矣豈

華出於傳聞而想像載之歟抑其言足信而後之好事者
假托傳會之歟不然漢武內傳所謂桃如鳧卵形圓而色
青者又果何如歟復按蔡京所記尚方有王母蟠桃核頗
鉅京嘗相祐陵其見與今相符事當可徵然則傳志所載
誠有不可信者歟臣敢忘其固陋撰賦一篇俯伏

丹陛以獻初則極其形容終則一歸於正其詞曰

炎漢六葉實惟武皇闡坤符握乾綱祀汾陰建竹宮叶仁獻
在郊赤芝薦房西海獻續弦之膠弱水來燕卵之香慶諸福
之畢集思騎龍於帝鄉幸靈桃之入口傳僊種於下方想其
瑤階露寒彤庭秋迥銀燭未掩畫屏斜映啓承華之秘殿眇
瑤池而神騁忽王母兮遙臨托青鳥以傳命鬱佳氣之蔥蘢
覲芳姿之妍靚於是玳席初延霞觴屢傳蘭辭吐兮襲人縹

袂舉兮高騫紫雲之輜駟暫駐九微之燈火猶然乃啓錦幃
乃濯翠選乃出桃實獻于帝前味甘醇而如醴色含腴以不
乾鸞刀割蜜神液流泉上滋華池身輕欲襪將懷核而種之
斲上林之寒烟王母微笑塵世易遷儻花實之竝見歲屢閱
於三千唯紫府之列直視滄海於桑田被窺烏牖之小兒尚
奚測夫幽玄斯核也匪鑄而成非陶而疑藉五行之亭毒資
六氣以流形鄙瓠犀之脆薄並玉質之堅貞瓜之不入叩則
有聲知何年之中析存半壁之晶熒俯貼金盤菓蓮之龜藏六
承玉露常滿之杯第傾盤曾登兮尖岑豐下楸吐人切狹長也
兮
隆星衆斂慶背文之籀一壺量五色之顏荷盤欲展蚌甲未
腐藏仁之跡猶在含肌之罅如生函肉好之隱約圍合線之
交層龜鶴軒翥兮顯象寶童絢爛兮金明鳳首鸞凌司箴真

於天府星形月魄挾頤氣於蓬瀛嗟夫自昔僊靈惚恍難憑
出無入有變幻莫停橋類益兮巴園粟如瓜兮漢庭恣燕齊
之方士騁詭辨之奔騰瞻雲路之咫尺恨凡骨之難登以雉
才之蓋世甘昏弱而不醒至若建章月淡甘泉風冷銅莖中
時僊掌高擎望銀輪兮不來徒馳情於窈窕苦白日之易短
兮竟莫制於頽齡核雖存而人則逝兮悲秋風於茂陵矧宣
和之繼軌兮慕鼎湖之龍升托青華之帝子設神霄之玄稱
何殷鑒之不遠踵覆轍其相仍

天啓

皇明

真人龍興順堪輿之大化調陰陽之至精道德行兮卽龍虎
之丹顯忠信昭兮勝鉛汞之功弘以九州爲仁壽之域濟北

民於喬松之朋神機流浹太和薰蒸指倭人兮草生屈軼齊
氣朔兮階秀堯莫視區區之遺核初何繫乎重輕此所以革
往古之荒唐法唐虞以作程也諄曰批有核兮大逾掌歷千
齡兮多惚恍嘒靈僊兮勞夢思誰見崑丘兮紫芝長

真人出兮海寓寧禮樂爲冠兮仁義作纓蕭韶九成兮鳳凰
鳴青鳥不敢徠兮幻說清千秋萬歲兮永長生

竊記徽宗本紀宣和元年己亥二月庚辰改元遂易宣
和殿爲保和殿至四年壬寅夏四月丙午詔錄三館書

置宣和殿及太清樓秘閣始重稱宣和今核上之字刻
于二年庚子之甲申月乃不書保和而猶襲宣和之名

此固不可不疑况丁酉日屬庚子歲癸未月之終今復
隸之於甲申月之首尤有不可得而致詰者頗意此核

非漢武時物字亦非宋祐陵所書雜書所載海外之國多大桃雖不可盡信或者得其遺核特依倣而托之者歟然濂年已邁舊學皆廢忘未必其言之足徵也姑書之於此以俟後之君子云

少梅賦

胡翰

少梅者以其抽毫象物託意於梅而命之也余為之賦則屈子所謂置以為像者云

夫何一嘉植兮忽肖儀而執主解余衣以盤薄兮馳余思乎瑤之圃若有人兮獨立乎千古冰為魂兮玉雪其度澹遺世以消搖兮負姱節而不可拔恍頽然而一見兮若經年之遠別散縞衣於空明兮駕蜚龍以超忽情愴恍以搖曳兮氣漫汗而揮霍歛雲蒸而飈厲兮紛又繼之雨電撫陽關與喬如

兮齊造化於一指驚建木之既楸兮眷瑤華其何異靚姬娟而凌波兮浩綽約乎崇阿向北風而含韻兮承南服之冲和春渺渺兮何其望美人兮天一涯折芳馨兮延佇將以遺兮所思大化不停兮細入無垠高下散殊兮其機孔神服貞白以自嘉兮今胡為此滋垢也豈隨時而变化兮懼夫人之逐臭也豫章不辨兮樗中繩墨棄厥箇輅兮矢蓬以為直憫衆芳之蕪穢兮天肅殺以戒寒竊獨揆其中情兮豈云異夫荃蘭何靈均之好脩兮結珮纒而弗睎吾將斂而就實兮和商鼎以進

帝嗚呼勗哉兮保茲今美世莫諒其真兮尚識其似

弔秦不華元帥賦

劉基

世有作忠以致怨兮曾不知其故然懷先生之耿介兮遭時

非漢武時物字亦非宋拓陵所書雜書所載海外之國多
大桃雖不可盡信或者得其遺核特依倣而托之者歟
然濂年已邁舊學皆廢忘未必其言之足徵也姑書之
於此以俟後之君子云

少梅賦

胡翰

少梅者以其抽毫象物託意於梅而命之也余為之賦則
屈子所謂置以為像者云

夫何一嘉植兮忽肖儀而執主解余衣以盤薄兮馳余思乎
瑤之圃若有人兮獨立乎千古冰為魂兮玉雪其度澹遺世
以消搖兮負姱節而不可拔恍頽然而一見兮若經年之遠
別散縞衣於空明兮駕蜚龍以超忽情愴恍以搖曳兮氣漫
汗而揮霍歛雲蒸而飈厲兮紛又繼之雨雪撫陽關與喬如

兮齊造化於一指驚建木之既楸兮眷瑤華其何異靚姬娟
而凌波兮浩綽約乎崇阿向北風而含韻兮承南服之冲和
春渺渺兮何其望美人兮天一涯折芳馨兮延佇將以遺兮
所思大化不停兮細入無垠高下散殊兮其機孔神服貞白
以自嘉兮今胡為此滋垢也豈隨時而變化兮懼夫人之逐
臭也豫章不辨兮樗中繩墨棄厥箇輅兮矢蓬以為直憫衆
芳之蕪穢兮天肅殺以戒寒竊獨揆其中情兮豈云異夫荃
蘭何靈均之好脩兮結珮纒而弗聊吾將歛而就實兮和商
鼎以進

帝嗚呼勗哉兮保茲今美世莫諒其真兮尚識其似

弔秦不華元帥賦

劉基

世有作忠以致怨兮曾不知其故然懷先生之耿介兮遭時

命之可憐上靡蔽而不昭兮下貪婪而不貞權不能以自制
兮謀不能以獨成進欲陳而無階兮退欲往而無路忠沉沉
而不自兮心搖搖而不固繫乘黃服鼓車兮駢蹇驢以曳之
鬲猛虎于籠檻兮狐狸群而制之衆刻木之枉直兮信讒邪
之流言倒裳以爲衣兮涅素以爲玄前官冥令指途兮驅離
婁使從之教養由以彎弧兮繫其肘而引之吁嗟先生兮何
逢時之不振生不能遂其心兮死又抑而不伸姦何爲而可
長兮忠何爲而可尤尸比干而獎惡來兮白日爲之昧幽重
曰嗚呼哀哉吾安歸乎狹偷升堂兮騶虞以爲妖殪鳳凰而
斲麒麟兮糜梁肉以養梟吠狗遭烹兮捕猶蒙醢雄雞晨鳴
兮衆以爲罪忠固不求人知兮於先生其何傷國有忠而不
知兮喟皇天之不祥亂曰莽莽崇丘間無人兮天高聽遐踈

不得親兮松柏摧折荆棘長兮苦于菘菘充佩纒兮浮雲虹
蜺紛縱橫兮上下阻隔幽不能明兮嗟若先生卒罹殃兮姦
邪矯枉歸罪愆兮咎繇不作誰與平兮跖犬噬由理則然兮
麒麟豺狼不同群兮自古有之五口又何嗟乎

伐寄生賦有序

劉基

余山居樹群木嘉果駢植人事錯迕斤斧不修野鳥棲息
蜚其上茁異類日夕滋長舊本就悴余觀而悲之乃募趨
捷腰斧鑿并其顛剝條剔根聚其遺而燔之於是老幹挺
立新莖濯如若瘡瘍脫身大姦去國斧鉞之將用大矣哉
作伐寄生賦

天生五材兮資土而成汝獨何爲兮附麗以生疣贅蟬噪兮
枝牽蔓繁瘠人以肥已兮偷以長榮狀似小人之竊據兮謂

城社之可憑觀其陰不庇物材匪中器華不羞于几筵實不
諧於五味來烏鳥之哢聒集虫豸以刺蚝果被之而實萎卉
蒙之而本悴壇香無所容其芬芳甘棠曷能成其蔽芾實無
庸而有害矧睚眦之可置爾乃建修竿升木末運斤生風以
翦以伐脫纏牽於喬竦落纖絃之騷屑剗薙膚以除根敷去
毒而刮骨於是巨蠹既夷新蕙載蕃迎春而碧葉雲翳望秋
而碩粟星繁信知斧鉞之神用寧能裕蠶以生患也邪嗟夫
農植嘉穀惡草是芟物猶如此人何以堪獨不聞三桓競爽
魯君如寄田氏厚施姜陳易位大賈入秦栢駢以亡園謀既
售芊化為黃蠹馮木以槁木茲馮國以盜國鬼居盲而人殞
梟寄巢而毋衾堅冰戒乎履霜羸豕防其躡躑諒前轍之昭
昭何人心之自惑故曰非其種者鋤而去之信斯言之可則

葯房賦

王禕

浦陽鄭仲舒讀書之室曰葯房友人王禕為之賦蓋美其
好尚之修潔又以寓吾思慕之意云辭曰

夫何美人之練要兮寒好修以為常既昭質之弗虧兮又姤
節之孔彰爰托物以自表兮曰清修之是將滋幽蘭而樹惠
兮蘭為佩而蕙為纒褰薜荔以為衣兮集芙蓉以為裳既所
服之孔修兮粲芬芬其文章所處欲其芳華兮又申之以葯
房何斯房之結構兮獨以約而為之薦芳馨之菲菲兮絢繁
飾以陸離文杏煥以成梁兮環辛夷而為楫棹木蘭之差差
兮梳文藻其紛披繚䟽牖以杜衡兮扈素壁以江離桂樹鬱
其當軒兮陰團團而成帷敷百草為庭實兮肆把玩乎瓊枝
龍衣芸編以總總兮緇室桑之朱絲餐繁英與落蕊兮飲沆瀣

以自怡澹道遙以容與兮聊棲遲而偃仰撫榮華之未艾兮
睠茲約以自况維約之澤兮所以示昭質之匪飾也維約之
馨兮所以表姱節之不忒也朝夕處乎斯房兮信脩潔之不
忘苟所好之絕俗兮人不知其何傷方世俗之溷濁兮糝薰
猶而莫質蕭艾蔽乎中野兮施業蔓其盈室彼惡穢果何物
兮亦雜然而充幃衆舍是而尚非兮孰於芳其能祗何美人
之耿介兮乃獨爲此度也夫豈傲世以自異兮亦惟好脩之
故也委厥美以自棄兮固非其心之所安也使矯名而無實
兮又胡若是拳拳也願予生之侘傺兮曾靡求平安處塊獨
守此敝廬兮蓬蒿紛其環堵雖凝塵之滿席兮情晏然猶冲
豫外物一無所徇兮曰惟德之爲馨冀和順之中積兮致英
華之外形徒潔白以自表兮媿非予之所能既好尚有不同

兮又孰揆予之中情幸美人之嬋娟兮夙與予其目成欲相
仍乎斯房兮恐莫堅乎芳盟命靈氛爲予筮算兮靈氛告予
以吉占曰外好雖不同兮實中情之可堅聞斯語以邑鬱兮
恐佳期之遲莫思美人而未見兮悵盤桓而延竚將何物以
結言兮恨衆芳之已萎采芳洲之杜若兮聊遺予之所思願
相從而相羊兮終歲晏以爲期慮極言之未固兮結微情以
成詞

南歸賦

梁寅

感陽春之方殷兮發孤旅之遐思出都門以曠望兮具舟楫
而南歸迺迴瞻於

帝居兮薄中天之虹霓像紫宮以嵯峨兮貫黃道以逶迤壯
麒麟之兀兀兮聳天祿之巍巍吾固樂金門之高步兮願參

德隆兮三禮明漢業建兮朝儀興煌煌乎
大明之盛典兮爰稽式而告成延摺紳以博諏兮蒐巖穴而
旁徵慙齊筭之濫列兮愧趙鐸之希聲承 賜金之渥恩兮
荷 錫服之殊榮 詔許歸而佚老兮循初服以紆情朝發
擢於龍灣兮夕余憇夫采石歷曲洲之坡陀兮臨廣隰之如
澤雨浪浪而驟響兮雲黝黝而凝色神魚驤其頰首兮旋鴻
馳其迅翼嗟吾行之猶滯兮望匡廬而不迫昔余之棲壑兮
固安夫寥閭也犯波濤以往還兮今何為而役役也呂望之
漁釣兮樹興王之績也審戚之飯牛兮竟以相國也吾誠不
及古之人兮寧守夫窮獨之節也金以利而為劔兮木以直

而為楹在治忌夫踴躍兮在山馬能以自呈賢願進而效用
兮愚思退而全名或違道以干譽兮寧身困而心亨謂斯言
之匪忱兮指江水以為正亂曰楚山礲礲雲溶溶兮返吾故
廬不悲不逢兮盪彼齷齪釋忡忡兮涵泳
聖澤希淳風兮懷空谷之賢兮賦白駒而從之

底柱賦

唐肅

按底柱在冀州大河中流禹導河自積石至于龍門南至
于華陰又東至于底柱然後至孟津迥洛汭而復北折焉
蓋河自龍門既決以來奔騰迅快勢不可遏至是而齷齪
之乃分為四流貫于三門之下然後力殺而行緩故酈氏
水經謂底柱與龍門皆禹所䟽鑿也昔蘇子瞻賦灑瀕堆
以為蜀江會百水而至于夔瀾漫漫漾瀚橫放大野而峽之

白虎之群議顧年邁而力罷兮迺形瘵而心怠麋鹿藏於深
林兮鳳鸞集夫熙世審物情之既異兮君子盍量其才器虞
德隆兮三禮明漢業建兮朝儀興煌煌乎

大明之盛典兮爰稽式而告成延搢紳以博諏兮蒐巖穴而
旁徵慙齊竽之濫列兮愧趙鐸之希聲承 賜金之渥恩兮
荷 錫服之殊榮 詔許歸而佚老兮循初服以紆情朝發
擢於龍灣兮夕余憇夫采石歷曲洲之坡陀兮臨廣隰之如
澤兩浪浪而驟響兮雲黝黝而疑色神魚驤其頰首兮旋鴻
馳其迅翼嗟吾行之猶滯兮望匡廬而不迫昔余之棲壑兮
固安夫寥閭也犯波濤以往還兮今何為而役役也呂望之
漁釣兮樹興王之績也審戚之飯牛兮竟以相國也吾誠不
及古之人兮寧守夫窮獨之節也金以利而為劔兮木以直

而為楹在治忌夫踴躍兮在山焉能以自呈賢願進而效用
兮愚思退而全名或違道以干譽兮寧身困而心亨謂斯言
之匪忱兮指江水以為正亂曰楚山礧礧雲溶溶兮返吾故
廬不悲不逢兮羞彼齷齪釋忡忡兮涵泳
聖澤希淳風兮懷空谷之賢兮賦白駒而從之

底柱賦

唐肅

按底柱在冀州大河中流禹導河自積石至于龍門南至
于華陰又東至于底柱然後至孟津迥洛汭而復北折焉
蓋河自龍門既決以來奔騰迅快勢不可遏至是而齟齬
之乃分為四流貫于三門之下然後力殺而行緩故酈氏
水經謂底柱與龍門皆禹所䟽鑿也昔蘇子瞻賦豔潁堆
以爲蜀江會百水而至于夔瀾漫漫漾瀚橫放大野而峽之

小大曾不其什一苟無是堆則瞿唐之險當不啻此予謂
底柱之功亦有類於濫潁者故述而賦之賦曰

黃河之流西來數千里兮貫長城而南馳激龍門之險阨兮
霆奔電馳氣洶湧而莫支歷華陰而徑趨兮乃折流而東下
執若萬騎銜枚而疾走兮將悉鋒盡銳鏖戰於平野何底柱
之崔巍翠律兮獨傑立乎中流儼一夫之當關兮強兵悍卒
睥睨退縮不敢運其戈矛惟宓伯子之敷土兮導澤洞而平
之鑿茲山以䟽洩兮剖三門之歎戲然後洪波巨浪齟齬而
不騁兮分流析派間度以逶迤指孟津而逾洛汭兮遂東極
于大邳苟非是以中梗兮曷以殺天吳水伯之淫威予嘗駕
方舟而遠求古蹟兮誓將豁心胸於浩蕩過黃老之神祠兮
溯蝦石之洪濤睇連天之脩楹兮干雲霄而直上濁波汨汨

包其下兮顯神功於俯仰使昔懷襄之莫救兮匯四海為一
區上巢下窟之赤子兮殆皆戢以為魚覽斯險而嘍嘆兮雖
天造而地設微玄聖之大智兮孰能成夫萬世之烈彼蜀江
之濫潁兮羗地勢之所同誦金聲於儋叟兮信物理安危之
所從噫吁嚱世道降兮風移而俗媮頽波汗漫兮忌剛而茹
柔魚蝦鼓舞兮蛟龍鬱鬱豈無吾人之底柱兮障百川之橫
流

大韶賦并序

貝瓊

傳曰堯作大章舜作大韶韶繼也言舜能繼紹堯之德也
周禮曰大韶禹樂名也言禹能大堯舜之德也前乎舜者
堯非不繼譽也後乎堯者禹非不繼舜也特於舜言繼者
法成乎堯也在譽之時法猶未成堯雖繼之而可繼之事

未備舜協于帝在舜之時功爲已協禹雖繼之不足爲難矣則可繼之善善繼之功唯舜獨也是韶爲舜之樂無疑季札觀樂見舞韶韶者曰德至矣盛矣如天之無不覆幬如地之無不持載雖甚盛德茂以加矣後孔子學之於齊三月不知肉味曰不圖爲樂之至於斯也蓋知樂之盡善盡美莫過於韶宜當時之感召丹朱在位群后德讓祖考來格鳥獸跄踏鳳凰來儀也然非舜之德致和於上堯之樂召和於下何以臻此哉故述而爲賦不徒極其聲音之美而且本之舜之德云賦曰

有東吳公子北走齊魯之疆觀于嶧山而見孔林之主人焉主人曰公子之遊也亦將有所睹乎曰無也生於震澤三泖之上僻陋寡聞竊慕禮樂之事而六律七均之制嘗究心久

矣願有請於大人先生焉主人曰嘻吳會東南之天府而天下之善音萃焉然公子猶有所未足者豈將厭澹泊而說鏗鏘乎必將挾陳娥携趙女壓鷓絃考鼉鼓若是以爲樂乎公子憊然不悅曰霓裳之曲唐之所以播越也廣陵之散晉之所以分裂也固不足言矣若此者又夷狄之樂無異紂之靡靡以亡其國者豈君子之所樂乎願聞其他主人曰七德之歌七德之舞太宗之肇王業也亦嘗聞之乎曰伯者之事子孫無所法焉曰漢祖蹴羸龍飛沛中置酒層臺悲歌大風造基四百光啓西東若是何如公子曰猶有伯心之存也駁而未純然亦一世之雄乎請言其上主人曰抑聞武之六成乎武之濟河而西也馬散弗乘牛散弗服倒載干戈包以虎皮天下知其寢兵不用也爰作武以象功焉鼓以戒衆久然後

戰也長歌連延起其慕也發揚蹈厲時不可失也故一成北
出再成滅商三成自北而南四成南國是疆五成分左右以
居周召六成復始而為天下王振鐸夾舞秉戈鷹揚若是何
如公子曰其容美矣此武事也未盡善也請言其上主人曰
其惟舜之大韶乎當夫六府治三事和叙九功形九歌嶧陽
之桐可以琢琴瑟焉雲夢之篠可以竅管籥焉泗濱之石可
以磬而為磬焉荆山之金可以範而為鑄焉八音既具而大
體短脰之屬有力而不能走者以之為鐘簠焉小體騫腹聲
清而遠聞者以之為磬簞焉其作也控以合之其終也揭以
止之洪者鏗而充清者磬而介淒切而不流泛濫而可會當
夫 朝廷之燕享宗廟之祭祀於是而奏焉升歌在上匏竹
在下代作間奏秩秩有序或擊或戛或拊或搏清亮而高遠

象乎天之渾淪廣厚而含容象乎地之磅礴一變一通兮四
時之終始一散一潤兮風雨之回合是時也熙熙然八荒一
春皞皞乎洪荒大朴格三苗於洞庭丹朱宥而有恪俯而聆
之純如辛甘之相濟皦如有倫而莫敘詘如斷王之復續繹
如驪珠之碎落飛流合而萬壑雷轉清風生而天籟交作吟
九困之老龍喉九臯之玄鶴既么妙而悠揚亦和平而澹泊
無恙微 以感其憂無譁諧慢易以感其樂其動於物也
客何為而肅若神何為而來思默何為而舞於土階鳳何為
而翔於茅茨明協乎大章博擬乎咸池所以保無窮之治以
示安而不忘乎危也悼六龍之南巡歷蒼梧而上九疑阿母
之玉瑄猶在湘靈之錦瑟空悲悵遺聲之寂寂叫有虞兮遠
然而齊之有韶陳亡而流於茲也海外之有韶聖人之化

播於蠻夷也宜季札觀之而知德仲尼學之而忘味彼武之
六極於陰特著其武功此韶之九極於陽寔昭其文治也公
子以爲何如公子迺避席而謝曰至矣盡矣不可以有加矣
主人曰未也請授以九德之歌其一洪流橫曰玄黃判風氣
開洪流橫民乃穴五行汨帝爲哀禹治之啓始孩決九川平
九垓百穀生田每每其二洪流殺曰洪流殺兮民災旣除山
有鳥獸兮川有魚爰可食兮可居胥樂且歌兮毋忘厥初其
三三苗格曰惟聖亶聰撫有九圍蠢蠢三苗險阻是依出師
于南奮我帝威我師旣還苗亦來歸其四四凶黜曰德與刑
兮國之經四凶斥焉八元在庭帝無爲四海寧其五正德之
歌曰惟天降命物必有則民之菅菅胡乃自賊五教不行禽
獸夷狄聖人龍飛四方之極其六利用之歌曰水旣平兮別

九州下爲隰兮高爲丘徒則軒兮涉則舟以羨濟之兮百貨
流財孔阜兮樂且無憂其七厚生之歌曰下民孔艱兮遭墊
溺寒我衣兮飢我食我無民遠兮父母職其八鳳凰來儀曰
堯不德兮舜不辭授以天下萬物治寒暑無易風雨時簫韶
九奏朱鳳儀其九萬世賴曰天覆地載高廣莫測孰參贊是
俾衣而食帝治天下如埏如埴萬世賴之安知其力公子曰
嗚呼禮廢樂崩幾千秋矣而始聞主人之宏論乃復爲之歌
曰雅南已亡兮流盪曷正鬱栗雷怒兮空桑無聲綠綺不陳
兮薦檀槽與纂箏妖倡爲妍兮嘯鸞鴟而啼燕鶯孰究夫大
韶之盡善盡美兮寔媲美六英六莖後千載之聖人兮集厥
大成安得聞九奏於清都兮御天風而上征

五經載道之器也秦燒詩書經燬而道自若也漢求壞爛之餘書禮樂已殘缺卜九惟易以十筮存詩以絃歌存春秋以口授存而俗儒章句之徒傳會穿鑿使五經大義不明於天下不亦悲夫靈帝熹平四年議郎蔡邕與棠溪楊賜馬日磾張馴韓說覃鳳等求定六經文字詔許之邕乃書冊于石命工刻之立于太學門外時四方摹者日以千計然不知道之所存也特以邕之書耳洎唐文宗時高重為國子祭酒與鄭覃復刊定九經于石嗚呼漢唐石經已風摧雨剝於數百年之久與岐陽之鼓嶧山之碑同一榛莽已因推衍其凡以為之賦云賦曰

緊聖作而明述兮尼父集夫大成歷四海其遑遑兮威鳳瘖而不鳴吁嗟時之終否兮託空言以載道世莫知余奚恤兮

閱萬世其杲杲既暴而不德兮舉六籍而火之薄先王之仁義兮尚法律而為治悲祖龍之鮑腥兮阮亦湮而無烟易幸存於卜筮兮詩亦肄於箎絃春秋闕而不出兮禮樂佚而不全科斗蠶於壁中兮光白虹之射天羸遂債而劉王兮家六合而寧謐乃偃革而為軒兮掇壞爛於十一洎六葉而盡武兮炳大明之當中黜百家之肴亂兮一道術而異同易科斗而為隸兮復家畜而人誦道固不可泯兮亦何待夫汗牛而充棟時既降而道晦兮經緯滅而莫收割申勸之或舛兮衆咸失於校讐屬熹平之四祀兮帝孝靈之當寧正俗儒之穿鑿兮偉中郎之博古辨魯魚與亥豕兮刻南山之堅珉巍乎四十有六兮樹翼翼之成均鈞鑿畫之屈強兮妙骨氣之洞達非餓隸之羸形兮非寒岩之枯枿非醉草之欹斜兮非

劍舞之渾脫初崩雲之恍恍兮粲列宿之離離鸞振翼以大
綺兮樹文枝以參差鸞鳥攫以乍飛兮群鸞遊而戲海彼鶴
頭與隼尾兮曾何足以爲態捷奔泉之渴驥兮縱入草之驚
蛇勢或埒於墜石兮體已悟於畫沙觀者紛其堵立兮車連
連其日至豈八法之是尚兮幸經存而不墜陋石鼓之苔剝
兮鄙漆書之土瘞觀奇陽而偶陰兮窮大極於有無感堯湯
之禪放兮求厥中於典謨何二南之和乎兮悲雅變而逮胡
儀三千與三百兮伊朝夕之攸執何曲折而精微兮謹一出
而一入嗟聖人之憂世兮徒感麟而掩泣二百四十二年之
筆削兮善旣勸而奸戢正夷夏之內外兮亦綱常之攸立夫
何經之徒存兮昧古訓之時式痛責官而列肆兮盛後宮之
頌國查豎黨以盤錯兮又孰恤乎社稷九州裂而鳴時兮黎
庶化而爲豺經錐鐫而何補兮政與道而相乖逮有唐之文
宗兮乃繼漢而有作礪巨石之嶄嶄兮列廣庭之落落吁回
首其幾何兮悉風摧而雨剝文斷缺而莫辨兮委荆棘之漠
漠吾恐爲沉犀於蜀門兮同刻鯨於昆池曾不若慶雲與松
風兮託良岳而効竒文焉得紀功千載兮擬岫嶽之禹碑諱
曰已焉哉石經泐兮剡藤出書連車兮布萬國撫遺墨兮相
得失道之存兮昭白日

廣寒宮賦

汪仲魯

按唐逸史異聞錄所載明皇遊廣寒宮事語多不同然皆
怪誕不經之辭也惟廣寒宮之所以得名則有可推者蓋
日陽精也主乎離月陰精也位乎坎日月運行而寒暑生
焉則是月也者以其配坎生寒而得名也歟世言嫦娥居

之者豈亦以陰柔爲陽剛之配故有是說猶乾父坤母之義也歟故託爲素娥之辭作廣寒宮賦

夫何素娥之嬋娟兮爰託身於廣寒質團團而外融兮心熒熒而內安念茲宮獨弘故兮匪刻楠與丹楹瓦青雲而上覆兮棟虹蜺而中橫靈星外峙兮泰階前平井水東植兮允金鑊藁爛壁奎以交映兮垣墉周乎列星豈二師之巧思兮惟太一之玄精虛豁洞達兮晃朗穹窿照耀無方兮高明有容規天以爲度兮環海以爲疆炯素肌之燁燁兮播下土而流光羗獨處此中宮兮感四時之代序含柔姿蘊靈德兮朝晦蔽而宵賭朧朧警而朧朧充兮識盈虛之有數驚爽籟之潛發兮向清飈以延佇露方漑漑星白兮霜又淒且盈宇盼圓靈旣雪凝兮顛柔祗復冰積甚冷光以無眠兮含翠輝而欲

滴何默默而靡言兮悼群類之生生粵陽明之和煦兮匪陰靜其焉成志專專而靡他兮物已遂而居貞豈宮居而孤歎兮不貌飾而情更愷長位茲北坎兮配離麗之明明彼兔蟾與桂樹兮固無取乎此也杵玉曰之玄霜兮孰謂長生而不死也羿妃竊藥工逃兮旣怪謬而匪經唐皇託以夜遊兮誕惟欺夫童真倘極一理於天人兮信吾廣寒之有徵辭曰日月運行寒暑生兮一寒一暑歲功成兮配日惟月秉陰靈兮厥靈伊何匹妃惟貞兮父乾母坤柔順以承兮位坎處中厥宮實名兮內守不渝蘊玄之精兮洞濟六合德耀斯宏兮嚴凜姿容夜煜秋凝兮猗歟廣寒縣象著明兮

弔虞城賦

王翰

春秋哀公三年書虞師晉師滅下陽五年書晉人執虞公

以貪賄為首惡亡德不與滅也自有宇宙來積貨而無厭
背親而棄義挾勢以凌人者無不取其滅亡者也予典教
平陸親履故墟傍徨而不能去悼荀息之詐譏傷宮之奇
之忠諫百里奚之明見也賦以弔之辭曰

繫虞郭肇封兮實皇姬之同宗桓莊之懿親兮匪執道之不
恭彼詭諸之營蝨食兮魏耿霍以從庸實以啗虞兮其徂尤羞
也舉下陽之有言兮南鄙之仇也襲虞而劫君兮盜賊之尤
也虞公而棄民兮惟鬼神之是託冒賄以迷惑兮曾不恤而
顧喙杜忠諫而不省兮且媚強以擠弱奉玉馬而俘獻兮未
聞媵秦而錯愕并伯仇而嘿嘿兮昏悞之靡也宮之奇款實
兮知國之不可倚也五殺先事而遠逝兮禍不可得而止也
貪貨而樂亡兮寧死而不知興強而滅人兮適足以自夷六

聖誅往兮為來者監茲亂曰流潦淫兮舊道改深隍平兮故
城壞索顛軫而不知其處兮悵郭門之安在鳥獸悲兮斜日
墜穢草滿兮溝塗橫潰悼古以攄辭兮弔西風於一醉

閒田賦

條山之陽黃河之傍灌莽極目獸駭鳥翔畎縱橫以遠際
溝塗陂陁以衍長經界究其未改廬井已不可得而詳問平
高之耆老乃知古虞君之故邦及芮伯爭而未決質成於文
王者也嗚呼姬周之造跡自后稷之建邦公劉之啓土古公
著撫民之庸王季號勤王之祖至翼翼之文王得奔奏禦侮
之賢輔三天下而有二猶臣服商受而遵王之所也傷漢儒
之鄙陋議圖讖以厚誣以虞芮質成而被化為周始稱王而
受符以區區之陋邦觀至德於須臾來四十國之臣妾如父

召而子俞文王之受命固定于虞芮之質成若尊號改元斯
盛德之所必無也嗚呼天有昭昭之明無諄諄之教視其命
之去就在人心之惡好苟處時而得中何必丹書朱雀而為
符吉也眺荒原之茫茫無往事而增悼追淳風之不及傷衰
世之末造誦綿詩而求嘆為執筆以三叫

離譜賦有序

楊士奇

余讀揭文安公所為幽憂賦為其友辨謗累數百言既恐
不能白於前又恐不能信於後揭文安公真盛德哉今之
被謗類是者未聞有一人如文安公者為之辨古今相去
豈遠邪非其知之者寡歟為賦以解之

離譜毀之橫發兮志沈鬱而弗宣指厥行為淫僻兮余憤惋
以代言惟弱操其好脩兮穆員冠而復方被積霞以為衣兮

攬素霓以為裳援古人之高駕兮將馳騁乎雲之路豈發動
猶未遙兮遽捐矩而改錯襲仁智以自重兮乃承謗而逢尤
肆腥膻其酷烈兮又有乎杜蘅與江離相梧桐之挺特兮
鳳凰翹而來止既鄙薄又不潔兮謂伯夷之所以紛讒口之
嫉妬兮羗惟聽而不味也固衆人所一情兮謂夫人亦不異
也彼自好猶弗珍兮實諧人乎奚疑曰忠貞不可忱兮何貪
婪而又不惑言倡一而和百兮明智孰諒其允臧告曾參且
殺人兮毋猶忼惕而惶惶傷白黑之混一兮竟莫察乎其故
旦悅悅以旦暮兮夕營營以連曙重曰世夢夢既不顯兮又
曷究結而煩情上白日何皎皎兮庶幾猶鑿乎中誠槩發辭
其不衷兮揆於余又何有愆言申申以騁媚兮終不究而寤
旃昔人有明訓兮止謗曰無校曠來日其悠遠兮庶秒忽兮

猶覺

閱志賦

黃淮

閱予生之多故兮，羗不知其所從。肆遐搜而隱索兮，究微末之始終。繫暑年之向茂兮，卽有志於聞道。呻佔畢而事鉛槧兮，夫旣從吾之所好。奮侯頰而躋壁雍兮，謂青雲平步而可登。探蟾窟以擢桂兮，翼黃鵠而駢鷗鵬。張璠踞于天衢兮，與夔龍而接武。集鳳池而上玉堂兮，曾袞職之莫補。仰繼明之垂照兮，荷眷遇於日隆。賚予紛其駢蕃兮，寔千載之奇逢。哲輸忱而瀝膽兮，覩圖報於涓滴。差風志之未酬兮，遽速變而羅辟。懷兢惕而內省兮，豈持操之靡常也。何弗良于行兮，致顛躓之我戕也。駕指南而之河朔兮，遐不虞其所屆。結蘭茝以泛溟渤兮，亦固知其攸齊聞。德音之煥頌兮，咸

鼓腹而興歌。漑涸鮒之枯竭兮，猶未沐乎。

恩波意休復之有方兮，契我龜而焦之招巫。咸使考卜兮，或開予而導之。謂陽舒陰慘兮，皆至仁之流形。彼困心衡慮兮，庸玉汝於有成。亮食兆之告吉兮，亦昭昭其孔彰也。時賢哲之遺訓兮，將何脩而允臧也。重曰：孰始而張緊。

帝力兮，孰後而遏自貽。戚兮，處困而亨致命以爲則兮。噫嘻，小子庶其無斃兮。

述夢賦

胡嚴

登高樓之崔嵬兮，軼氛埃於層霄。天宇廓其洞虛兮，際空明於沈寥。綺窓朱綰紛玲瓏兮，風蕭蕭而下飄。攬真人於玉臺兮，粲彩鳳而逍遙。披太霞而進謔兮，感然聞余之瘖瘖。啓靈文而欲授兮，願塵昏之未銷。旣食余以麟脯兮，又飲之以醇。

琴高鼓以清瑟兮飛瓊汎其雲璈邀王喬而宿之兮吹參
差於鳳匏何處子之綽約兮嬉脩眉而峨翠翹肅歛容而不
敢訊兮歛凌風而高超余愴怳莫知所之兮王子導余以遊
邀挾光景以凌厲兮薄星辰而上朝撫扶桑之東枝兮擊若
木之高標駭神鼈之鼻厲兮天吳出而舞朝方遊鷗之擊水
兮儵鵬翼而扶搖振余袂於千仞兮晞余髮乎陽喬升崑崙
而食玉英兮漱瑤水之蕩瀟金堂闈其無人兮悲蟠桃之不
實駕青虬而高馳兮過方諸而一息珠宮貝闕差我兮陰玉
樹而蕭瑟稜飛僊之冉冉兮慨弱流之無極盧生去而不返
兮海若誇於河伯陋夸父之不知止兮哀愚公之又惑召茶
壘於杜索兮截雄虺之九首擲封狐於萬里兮願遊題乎何
有命庚辰於淮溪兮樵支祁於龜山僕瑜殫于青丘兮禱杌

逐乎荆蠻豺虎深藏而道跡兮蛟螭匿蟠乎重淵檻余轡以
僵徊兮飄然遊乎瑤之圃步春臺以夷猶兮覩均天之萬舞
幸余逢此休嘉兮內欣欣而和煦羗回車以復路兮順凱風
而曾舉山窅窅而雲冥冥兮佳木秀而承宇紛紅蘭於廣術
兮喜芳菲其襲予悅然乎歸來兮惟覺時之寢處寄遐思於
寥廓兮玩孤芳而容與

北京賦

太子時勉

惟

皇明之受天命也我

太祖皇帝首仗義師以平暴亂豪傑景從聲振江漢削除僭
竊拯民塗炭定鼎金陵撫綏萬邦乃睠茲土寔雄朔方倣成
周之卜洛欲竝建而未遑逮我

聖上繼明重光握乾御極一遵舊章仁聲洋溢于遐邇恩澤
汪濊於八荒既致治於太平導

皇衢以省方仰先志之未遂度弘規以作京卷經營之伊
始徧夷夏其懽騰曰惟北都在冀之域右挾太行左據碣石
背疊險兮重關面平原兮廣澤宗恒嶽其巍巍鎮暨間而奕
奕冠九州之形勝實為天府之國是以軒轅邑之以分州唐
堯階之以為帝擴神化以宜民大勲德之光被鬱王氣之所
鍾于今茲而有待也於是仰瞻析木俯測地靈龜筮兆吉天
人叶應神祇獻珍而山石自出河嶽效靈而神木自行民子
來兮相續期不日而成功爾乃懸水樹泉識景表營方位既
正高下既平群力畢舉百功並興建不拔之丕址拓萬雉之
金城引天泉於西阜環湯池而鏡清九衢百廛之通達連甍

還宇之縱橫顧壯麗其若此非燕逸而娛情蓋所以強輔而
弱枝居重以御輕展

皇儀而朝諸侯遵先軌而布仁政者也若乃四郊砥平皇道
正直視萬國之環拱適居中而建極其南則萬流宗海平林
蔽天攬邯鄲鉅鹿之廣衍馳平疇沃野之綿延澹於恒衛經
其野濡磁涑桑匯其前界以大陸廣阿之弘壤阨以大茂井
陘之連山包絡趙魏襟帶齊魯膏腴之地綿亘三千餘里而
極于黃河伊潁之川其水陸之所產卓犖繁盛蓋得而計
焉其址則疊嶂巖危層巒蔽虧長城矗平雲表百泉湧平山
隈壯天關而設險守一夫而莫開偉左盤而右顧宛鳳舞而
龍飛寔磅礴而鬱積重擁衛於邦畿包狼山上合之阻據野
孤獨石之危掩祖山木葉之離立連白登紫塞之逶迤控女

真而極乎洮河之北鎮朔漠而逾乎瀚海之涇檀表之類大
羊之群畏威懷德相率而來歸其東則潞河通漕控引江淮
肥如樂涑灌漑繁迴連峯片石之隘首陽崆峒之墜玉田白
壁神仙瑤臺超無終而越金山跨遼瀋而逾鴨綠至於賜谷
日出之涯固已遐哉邈乎而莫不在乎緩懷環以大海衆水
所歸洪濤巨浪洶湧崔嵬蓋不知其幾千萬里而蠻商番舶
帆檣隱天上下不絕而往來又有蓬瀛方壺鳳麟聚窟十洲
三島靈異非一流精之闕瓊華之室墉城召堯金臺宏津紫
氣丹青景雲矚目靈圖倕佺安期羨門之倫相與游從乎其
間出入隱見而恍惚瞻

帝京其伊邇庶可見其駉鸞駕鶴之髣髴其西則崇山鬱翠
高挹泰岱北接居庸南首河內奇峯擁關龍門阻隘玉泉垂

虹青烟浮黛上截暮兮倚空下蟠據而際海其麓則有渾河
湯湯西湖泱泱鹽溝琉璃桑乾廣陽雪波泛湧灑洋洋一
瀉千里會流 帝鄉又有上林禁苑種植畜牧連郊踰畿綠
丘彌谷澤渚川匯若大湖瀛海渺瀰而相屬其中則有奇花
珍果嘉樹甘木禽獸魚鼈豐殖繁育颺颺籍籍不可得而盡
錄固可以因農隙而校田獵選車徒以講武事乃導國風稽
王制詔期門簡將帥乘玉輅擁翠蓋出天關而雷轟轡芳郊
而雲會非所以威戎誇狄娛樂騁意蓋將取不妊而除苗害
狩無擇而順殺氣謹大易之用於三驅之時驗騶虞之仁於
一發之際水衡虞人之容與武夫壯士之奮厲皆知夫仁者
之為勇而以投石超距之足鄙亦何必珍美禽獸割鮮野食
而以悅仰極樂之為貴也若夫其宮室之制則損益乎黃帝

合宮之宜式遵乎

太祖貽謀之良居高以臨下背陰而面陽奉天凌霄以磊砢
謹身鎮極而崢嶸華蓋穹崇以造天儼特處乎中央上倣象
夫天體之圓下效法乎坤德之方兩觀對峙以嶽立五門高
矗乎昊蒼飛閣屹以真乎四表瓊樓嵬以立于兩旁廟社竝
列左右相當東崇文華重國家之大本西翊武英嚴齋居而
存誠彤庭玉砌壁檻華廊飛簷下啄叢楹高驥闔闔其蕩
蕩儼帝居于將將玉戶粲華星之炯晃璇題納明月而輝
煌寶珠焜燿於天闕金龍天橋於虹梁藻井煥發綺窓玲瓏
建瓴聯絡複道迴衝軼霄漢以上出俯日月而盪胸五色炫
映金碧晶熒浮輝揚耀霞彩雲紅其後則奉

先之殿仁壽之宮乾清坤寧眇麗穹窿掖庭椒房聖隱闕通

其前則郊建圓丘合祭天地山川壇壝恭肅明祀至於五軍
庶府之司六卿百僚之位嚴署宇之齊設比館舍而竝置列
大明之東西割文武而制異至於京尹赤縣之治所王侯貴
戚之邸第辟靡成均育賢之地守羽林而掌飲飛者至九十
而有四衛莫不并列而基布各雄壯而偉麗其岩廊之上則
有臯瓊稷契之倫元凱俊乂之輩相與磨虞廷之歌談羲農
之際聲補袞之能懷忠貞之志考禮文於大備贊聲樂之盡
美是以朝無缺政德教漸暨薄海內外均陶至治幸其有
作聿來趨事成此大功忘其劬勤人和既極休徵滋至慶雲
瑞靄之覆于闕庭素鳥玄兔之獻于丹陛醴泉屢出甘露
數墜麒麟騶馬盧之珍馴獅天馬之類紛紜雜遝莫能殫記于
以見天眷之益隆而

聖德之純備者也於是正月上日工既訖工爰告成於天地
肆紹美於祖宗清心疑慮齋沐肅雍采盛既潔牲牲牲既豐芬
郁郁以旁達靈續續直來降錫嘉祝之穰穰介景福於

帝躬將順應於昌期趾盛美於無窮乃服袞冕御

帝座開九重之深宮受萬邦之朝賀內侯甸而要荒外殊方
而異俗胥近悅而遠來紛鼓舞而匍匐方物溢以充庭麥綯
燦而駭矚率蹈舞於階墀效華封之三祝爾乃浹和會昭景
樂鏗鯨鐘奏雅樂 詔光祿以開筵合百辟而燕樂饌珍玉
兮芳馨嘉瓊漿以斟酌聯貂蟬兮夾陛雜蠻夷之荒服莫不
酣暢而飽德咸頌歌而踴躍越填城而溢郭藹歡聲於寥廓
斯可以媿太古之無為慶華在百而蹈栗陸顧

皇上之謙抑視至治為未足於是降德音播嘉惠省刑罰薄

賦稅汰冗濁旌廉吏舉賢才擢俊乂發倉廩賑貧賈尊高年
而禮有德慎防禦而修武備貴爵重賞以厲廉耻厚往薄來
以馭夷裔蓋欲使人知所本士知所勸四方萬國無一民之
失所窮陬僻壤無一物之不遂舉陶於春風和煦之中而樂
於雍熙泰和之治此蓋堯舜兢兢業之心文王敬止之意所以
紹 鴻業繼

先志益宏遠而有備故不勞而甚易冠絕乎前古垂休於後
世固可必

聖子之與神孫益昌盛而無替小臣微陋忝職文字願賦

帝都之盛槩揚 國美於萬禩復為之歌曰煌煌

帝都兮逾鎬豐阻山帶河兮壯以雄天開日明兮王氣所鍾

穹隆造天兮惟

帝之宮廓氛侵兮開溟濛鎮夷夏兮宣皇風王道平平兮四方來同願

皇圖之鞏固麻葛萬世兮無窮

方竹軒賦

金寔

秋孟之夕覺非道人寓宿於主人之軒見植竹焉外方中堅峭然觚稜扣之如石有聲硤硤予怪其不類衆竹戲若有評后皇植物各畀以形洪纖肥瘠莫殫其名毫忽無僭若冶剖刑圭爾竹之產爲類實繁寄哀瀟湘託興淇園嶧陽之材聲叶鳴鳳箇籥之堅荆楊効貢黃岡如椽用代陶瓦篲篠叢生束之盈把由衙雞脰般腸射同蘇麻質管管管單鍾龍體柔爲節節促爲籟丹毒爲篋依木爲弓毳毛爲狗扶老爲笻名雖萬變莫不示圓於外而抱虛於中故能文理績密而節槩疏通

迎刃而解落籜以從桃筍蓮笛織翠生風纜維砥柱力縮蒙繡竿旄子旌旌敵空彤管煒煒橫出詞鋒肅韶九奏至和攸同他如噐使惟適所逢皆所以弼成人用而翼贊天工者也爾之爲質外方內塞肌不柔順性復挺特隱括莫施何堪組織豈非才不適用而名浮其實乎言既而去遂巡就睡夢一玄叟頎然而長雙眉入髻鬢衣無裳頭角峭厲張立木僵歷階而進出聲琅琅凡今之人喜圓惡方頃聞誚譏顧不敢當予非舍圓而不居蓋亦天賦之有常矧夫方圓不侔自昔爲詭豨膏棘軸不能獨運鑿枘異投終底于吝黯直見疏弘詐乃近正論天人江都遠擯恢諧詭竒金馬日進固知齧圓以遂私不若執方而自信也且物生而才罕卽安處雖確斲削自致困苦樗櫟腫斧斤莫尋桐栝赭野枳棘成林天嗇

我才實非我仇以才莫全我獲實優方將勵吾之方堅吾之
塞保天之全資地之力長我兒孫同居壽域邀涼月於江上
疏冷風於座席有愛我者過從成癖敲門竟造不辨主客扎
瘳奚生逍遙甚適彼以才而効用於世者自視於子未知孰
得而孰失也予驚而寤萬籟俱寂明月入戶涼在巾舄惟見
此君挺然于庭粉垣鑄影一塵不驚脩柯滴露鏘然成聲子
乃爽然如失惕然而惺乃歌曰圓以智行兮方以義守智或
有窮兮義則可久以虛而通兮以實而塞通或潰決兮惟塞
乃格才應時用兮拙爲世捐用則精弊兮捐則神全竹兮竹
兮子將謂汝爲方兮而不識汝之大圓

赤石潭賦

周叙

正統九年甲子之秋七月既望予以使命便道還京宗親

故友餞送于赤石 宦游萍梗出處難謀慨然有懷遂作
斯賦其辭曰

公文江之橫浦至赤石之澄潭水萬頃以凝碧山四合而染
藍信乎其乾坤所融峙而仁智所樂耽也觀其崖石磊砢岬
谷谿訝爛如原火燁若朝霞入玄淵而莫測滄波其無涯
當夫春江方張駭浪驚濤洶湧激撞金山鐵壁不足以侔其
壯泊其秋潦已涸天空月色空曠虛明朶舒鏡展不足以擬
其清則斯潭之所以得名爲可徵矣若乃睡乎其北則三凹
屏列諸蜂郵屯大宛旋凱而龍馬交驟昆陽戰敗而虎兕群
奔望乎其西則近接鷹湖遙連錦峰白沙翠竹之掩映煙村
雲樹之鬱葱慨鄉衮勝遊之舊躅念先親遺直之英風至於
東則澧溪金港之交流釣臺鰲山之錯峙能不感夫金宋構

兵火鼎遷播而鳳艦龍舟亦嘗至於此乎南則虹橋綠野佛
刹仙臺謁林泉之幽翳聳劍石之崔嵬騷人墨客固多留馱
真僊杳宜寧復有浮空而往來者乎蓋其為地也豁故能合
數百里之大觀其為景也竒得不起千萬年之遐想此古今
過從者之同賞也而余猶獨有所悵惘昔余之少而處也從
宗族父兄省丘隴於茲潭之山陰奠春露之藻蘋撫秋風之
宰樹殆德澤綿而嗣守固也願瞻潭濱之他隴樵兒牧豎躑
躑於孟嘗之墓豈非富貴而改其素乎逮余之長而仕也幾
舟楫往還於斯潭之水許把雛觴之汲汲趨玉事之皇皇中
抱冊而髡毛蒼矣反羨其旁居人釣叟熙皞於無懷之鄉又
何身世之忘豈非貧賤而任其常者乎烏免跳丸彭殤一軌
歎榮瘁之浮漚悲老壯之逝水擊流光而歌之曰潭之波兮

悠悠去故鄉兮那可留潭之石兮峨峨惟令名兮不可磨俯
水際兮馮夷仰天畔兮嫦娥倡莫余和兮奈術何

黃河賦

薛瑄

吾觀黃河之渾渾兮乃元氣之萃烝濂洪源于西極兮注天
派於滄瀛貫后土之龐博兮沓玄溝之晶明過積石而左轉
兮龍門呀而峻傾薄太華而東驚兮撼砥柱之崢嶸入大陸
而北徙兮迷不辨夫九河之故形經兩海而紀衆流兮擅浮
沉之濯靈覽頽波而懷明德兮又何莫非妣氏所經營登崑
崙而俯視兮固彷彿其初迹馭高風而騁聖兮遂周游其曲
直何末流之混濁兮始清激而湜湜羌澹艷而徐趨兮勢云
云而自得觸險石以鬪暴兮詔雷轟而擊擊天宇橫其沆漭
兮耿上下之玄黃霧雨霽霽而滄集兮混濛古之洪荒微風

蕩拂而漁散兮天機組織其文章頽衆浩而洶湧兮百怪垂
涎而簸揚腥雲濁浪以盪汨兮恍惚顛倒夫舟航靈曜升而
赫照兮乘正色於中央望舒在御而下臨兮列宿涵泳其光
芒若乃震乘符以行令兮百谷滛滛其凍釋山澤沮洳以上
氣兮增混養之洋溢魚龍乘濤以變化兮杳莫測其所極祝
融載節以南屆兮雷雨奮達以霽霽滿支流而股合兮百川
奔而來會禾輪困而漂拔兮蔽雲日而淘汰狂瀾洶而鬪岸
兮塊土焉塞夫衝潰霜戒嚴而木脫兮小昊執矩以司秋州
渚緬邈而石出兮始殺湍而安流霰雪紛其四集兮頽頽乘
坎以奮神大塊噫氣而摩軋兮流澌下而龍鱗層冰橫絕而
山委兮河伯驅石以梁津羗險夷而明悔兮變朝暮與四時
颺風起而衝木兮蟒怪駭其難推覩圓方之一氣兮恒來往

而密移昔尼父之歎逝兮跨百世而罕知顧川流之有本兮
與中古以為期啓龍圖而翫六一兮悞主宰之所為嚼余心
之未純兮感道妙之如斯聊誦言以自明兮庶晝夜之靡虧

皇明文衡卷之三

騷

思媿人辭

宋濂

吾鄉呂成公實接中原文獻之傳公歿始餘百年而其學殆絕濂竊病之然公之所學弗畔於孔子之道者也欲學孔子當必自公始此生乎公之鄉者所宜深省也嗟夫公骨雖朽公所著之書猶存古之君子有曠百世而相感者况與公相去又如此之甚近乎聞而知之蓋必有其人矣托物引類作思媿人辭辭曰

惟媿人之惜媿兮賦媿質於自然脩蛾規而疑黛兮曼目轉以成聯妥鬢髮而如雲兮鬢輔巧以承權纖腰秀頸若鮮卑兮容都曼面體便始寶璐縈而右繞兮桂微媚以半偏懸明



皇明文衡卷之三

三

月以綴佩兮錯木難而傳冠向瑤臺而微步兮意瞻靜以貞
閒宓妃之倫折芳馨以相遺兮復溶與乎江干勢翩翩其寒
舉兮若游龍之在淵胡人間不可以久留兮遂凌厲乎高寒
馮道紀以爲御兮鍊天和而爲飡徑駮於陽陰兮時上下
乎星辰款予生之何晚兮不一覲於芳儀念媿媿之鮮雙兮
迴迴聽而曾思歔愁悴而委情兮氣滄瀟以如炊道苟可以
遇之兮視萬里猶門墀登嶇欽而騁望兮正晨旭之蒼涼氛
臆豁而閨朗兮莽山川之縱橫樹輪盤糾而柴虜兮蘋艸藿
靡以相望豐狐思羣而永嗥兮文鵠慕類以徐翔企精爽之不
徠兮空雲龍之將將蹇佗僚而望絕兮耀靈習其西蔽降崇
丘而臨曠野兮循故轍以東歸向闌楯而徙倚兮境外嬰而
愁內滋新蟾皎以出天兮想織美之曲眉繁星爛而成文兮

懷繡帔之陸離蒼顛灑落而無滓兮思玉體之弗緇拂蘭袖
而起步兮復經緯乎空庭苦鴻鴈之靡靡兮厭羽蠱之蕩蕩
撼戶攘以悲側兮惕督容而弗自勝轉曲牖而入堂壇兮牀
獨坐對乎華鐙鐙影徯曳如鳥旒兮象中心之靡寧寒龐信
信而競吠兮耳恍聞於楚音疾倒徒以啓關兮飈闔葉於枯
岑縹綿綿而莫抒兮托幽寄於瑤琴琴聲咽而思深兮類孤
鷗之鳴陰更家嘆以將闌兮斗杓旋而向東舒枕衾而就榻
兮期夢寐以潛通精氣注以弗釋兮橋有物而衡中息纏纏
以方微兮翬翬而上征造旬始而謁太儀兮群靈續其若
叢氛旌浴以隨森兮鳳旂沛而嬰空馭象車而秉虬節兮鞭
列缺以斥豐隆豹靈熊幡聿皇以奮兮繆流紆譎鬱以相蒙
左撫右衛動以綳環兮倏胛倩湏雲滃而雷春回穴幡纒汨

以焱歎兮吸鼻瀟率謂以蒙鴻穆眇眇以前邁兮翩紛紛而弗止莽冥冥以無垠兮勢皇皇而迤靡超氛埃而淑郵兮竟按轡乎朱陵長麗舉躅以向日兮有赫戲之華文揚芒熒以上焱兮粲重離之丹門炫赤王之寶章兮列八龍之威神歎東趨於蒼極兮青瑁紛其竝迎羣神衍衍以方饗兮奏靈和之鳳笙四酎芬而味歎兮暈玉色而帶頰楫素威以升皓宮兮盼四極之浮浮辱收顧余而破顏兮錫鏤瓊之華鈎謂貞白以自守兮合左契於伊周折寒門而燭元冥兮朔颺颺以吹裘有夫玄中而環甲兮握靈它以為驅重陰返而未啓兮肅玄氛之幽幽四方非不可居兮悵所思之莫余都馳兩轂如飛丸兮文滔滔而遐逝靈氛告余以吉故兮子何爲兮獨悲苦彼中天之有居兮隔人世之風雨吾將導子之一至兮庶弗

愆於恒素招忽荒以從之兮駕剛飈以徑度冒光炎之忻忻兮緜纏鬱快而不可正規凋薨形楹屹以上起兮瀏濫弘恂雲謫而波詭連卷攬倚杳以軋芴兮歲魁幼眇蠹以高峙中洞房之沕穆兮乃媿人之攸居使曼姬爲子通訊兮儼再拜乎堂垂忽朱扉之洞開兮移玉趾之委蛇珠明玉潔不足以爲喻兮光照耀乎東西吐芳辭以若蘭兮意勤勤而告余曰皇降靈兮昭質弗沫毋染爾穢兮昧厥施紉約襦兮曳蒞旆結蕙纒兮張椒幃兮桂漿兮嚙蓀糜索胡繩兮畦揭車集衆兮以遠蒸兮羗郁郁而斐斐余俯首而敬聽兮書肇紳以自規海色動而報暉兮陶去幽而開寤雖嘉辭之盈耳兮邈若人其何處遂捫膺以沈思兮願獨處而繚戾也誠因言以會心兮將神交於千載也亘天地而無初終兮惟我民之秉彜

道弘敷於上下兮必有人而繫之往者固不可作兮幸方冊
之昭如日參驗於厥躬兮若面命而耳提跛鼈之嬰姍兮固
難齊於六驥能孳孳而弗怠兮亦千里之可至余雖質醜而
力單兮敢不沾沾而奮厲帶鈞矩而佩衡兮撤部蒙而祛罰
期有形以必踐兮始俯仰而無媿縱不得媿人以與之游兮
又何異同功而並世

予既爲此辭嘗錄一通寄王子充子充蓋有志同予學
呂者書以識之庸俟異日各考其學之成也

孤憤辭

宋濂

中州人士有無罪而被廢斥者識與不識咸寃之濂因本
其志爲署孤憤之辭使世之用法不愼者讀焉其或知所
懼也夫辭曰

哀予生之匪淑兮耿鬱紆其誰語恐此心之難白兮假微詞
以自吐曩有志乎學古兮指前脩以作則非秋蘭奚敢紉兮
非申椒吾焉食仗所履之正直兮謂無施而不可悲世塗之
嶮巖兮宵獨中茲危禍胡萋斐之小文兮竟成之於貝錦剛
指方以爲圓兮揆人情爲己甚伊翩翩之公子兮余素得而
友之握手以示肺肝兮若斷金而弗疑何中心之多變兮一
旋踵而弗予識既擠予於坑穽兮復彎弓而下石汝面目之
無怍兮曾何謀之弗深縱禍予其曷傷兮吾懼戕汝之良心
覩日月之光昭兮聞雷霆之隱耽予固不足畏兮汝寧不畏
于天天道微而難索兮斯焉足以責汝彼黃鳥之嚶嚶兮猶
求友而弗止將七尺之美軀兮乃一禽之不如予固約結而
罔措兮又爲汝而歔歔嗟受命之蹇蹇兮豈獨汝之爲尤蛟

龍鬪於深淵兮寧無損於鱗皴汝雖不我陷兮予安往而逃
囚唯飲泣而無所訴兮傷予罪之不當蒼天之至明兮獨不
鑑我之幽枉叶皎皎之白璧兮僉訾其爲燕石也纖纖之
素縞兮反謂其如玄漆也欲力詆以深文兮其奚患於無辭
咎繇之不吾出兮眼有淚而誰知誓剖心以自明兮念父母
之所遺苟自經於溝瀆兮慮君子之見嗤夜漫漫而不旦兮
悲風颯其四來秋蟲響於空壑兮似助予之悲哀六合之至
廣兮真一身而無所魂魄怳怳若有忘兮雖生存而如死昔公
治之所遭兮夫何有於不仁在縲絏而非罪兮亦嘗叟之所
稱果自反而弗疚兮縱遇辱其如榮浮雲過而日潔兮春冰
釋而水清外累不足以爲愆兮愆吾德之未明意欣欣以超
絕兮振冠纓而起行取瑤琴以彈之兮有和銜之新聲樂天

命以自度兮究年歲而不再更

題王子充琴邊秋興圖辭

詹同

風泠泠兮木落山盤盤兮雲陰吾將鼓兮秋水誰能識兮此
心

弔董生文

胡翰

余自京師南歸次于直沽泝流而達于衡漳過陵州故廣
川地也或曰漢江都相董仲舒墓在焉爲文弔之其辭曰
出國門以南邁兮涉衡漳而濟舟波流渾其若河兮道旣阻
而且脩臨廣川之故墟兮曰夫子之首丘望原隰以懷思兮
悵欲去而夷猶嗟王風之不競兮人各驚其私智道術裂而
民散兮世已久而莫制燕趙固多奇士兮僅有取其忼慨非
天降大雅兮繫孰爲之表礪聖垂法於春秋兮志雖微而可

卽士明經以致用兮義非后而不食徵天人以爲言兮明穴
異之在群引君致之當道兮情眷眷於陴側嘉堯舜而樂三
代兮得一士而不能用苟不用其亦已兮國無人而曷重黯
質直而見憚兮弘飾詐而取寵用舍倒而莫察兮邪正溷而
彌冗駢不中夫犧牲兮執鸞刀而薦犁登藜味以實瓚兮瀝
黃流而注茲競利方以爲員兮攬槩燹而去之徒操末以齊
本兮引繩墨而止之下皇皇而靡所聘兮上訕訕以爲得軌
好賢如緇衣兮執惡惡如巷伯古固難於知人兮詎多欲而
不惑庸俟時之見察兮庶師言之允一謂伊尹無以加兮雖
管晏弗之全探淵源其尚恥兮又豈滄夏之儔類何一低而
一昂兮槩未量乎夫子之志曰正誼而明道兮不計功而謀
利繳內顧而如斯兮揆王佐亦奚異俾詭遇以獲禽兮固吾

心之所羞比柳下之三黜兮由直道以事人百里之飯牛兮
豈污辱而忘身道有時而誣兮亦有時而伸諒天命之未違
兮獨奈何乎生民

憫貞淑文

胡翰

何斯世之昧昧兮耿獨抱茲貞淑曰降命之自天兮固耿軀
之所服肇兩儀於厥初兮恒正位而竝育矧夫人之伉儷兮
豈云䟽而異族昔結髮以承歡兮將偕老以爲期忽惡筭之
在首兮遂中道而棄之惟國有大事兮莫大於征伐之師旣
北面以奉命兮願委質以驅馳冒白刃以爭先兮懼不得其
所死苟死弗慊于素兮又安足以痛毀相女婦之從夫兮醜
一齊而不再力莫拯君之阽危兮雖獨生其何待孫神之戍
夏兮陳迎娶而捐軀高叡之喪趙兮秦瞑目而與俱卓怒行

其威教兮皇甫係而猶詬李斷臂於逆旅兮負疑骸以貽後
諒風猷之一致兮曠年歲而不可鱗襲芳菲以初蘭兮又佩
之以雙玦仰三辰之在天兮心炯焉其昭晰即所安而自得
兮吾竊哀丈夫之非烈

懷龍門辭

劉基

有美一人兮美且都青霞爲衣兮白雲爲裾被秋蘭兮佩珣
玕泰和與遊兮中黃與居瞻望弗及兮芳歲其徂山高水深
兮道阻且紆安得羽翼兮致我與俱

有美一人兮美且仁自我不見兮不知幾春仰玄穹兮眇參
辰爲合爲離兮誰識其因青冥無階兮江海無津安得羽翼
兮致我與隣

有美一人兮在山中蒼眉青鬚兮玉雪其容飲沆瀣兮食紫

虹澡石泉兮灑松風邀初平兮從赤松超逍遥樂兮無窮安得
羽翼兮致我與同

九嘆九首

秋風起兮夕露溥浮雲沈陰兮白日晝寒木葉落兮水泉乾
孤鴈鳴兮悽以酸攬余轡兮悵盤桓野蕭條兮行路難豺狼
驕兮狐兔頑蘭蕙死兮荆棘蕃我欲奮飛兮無羽翰援雅琴
兮發哀彈絃斷絕兮涕洟瀾

我髮種種兮颯如其稀我心悵悵兮忽若有遺過吾不能改
兮德吾不能知往者不可悔兮來者不可期進無益于世兮
退將安歸嗚呼已矣兮吾寧不悲

天有田兮不可以耕山有藪兮不可以知咎徵刈蒿以爲梁
兮削菌以居楹匠石却走兮工垂拊膺登高望遠兮觀四瀛

水東流兮日西傾般紛紛兮各有營我獨展轉兮從夜達明
風飄飄兮揚塵野寂寞兮無人舟何爲兮山阿車何爲兮水
濱北望楚兮東望秦倒江河兮亂星辰天門窈窕兮重九闈
願有言兮遠莫陳虎豹威兮爲喜爲瞋橫流涕兮瞻蒼旻心
馮噫兮不能伸麋有角兮龍有鱗空山寂寥兮吾誰與隣
江無舟兮河無梁隰有荆棘兮而無稻梁鷹化鳩兮雀變隼
狸爲貍兮龍爲虵睠長顧兮情紆軫九疑高兮禹穴幽梧桐
枯兮鳳不留山木慘慘兮叫鶴鷓鴣飛兮無所投雲杳杳兮
雨悠悠孰懷情兮知此愁

虎獸肉兮騶虞苦饑獺升堂兮麒麟受羈黃彘薦滫兮章甫
承綦箭韶屏棄兮絃筦堯離指玉以爲石兮削方以爲規天
不可問兮神不可咨繫彼之是兮而此之非有樗在林兮有

櫟在楹著龜孔昭兮勿遠余思

今夕何夕兮天宇清步逍遙兮仰觀列星河漢皎兮北斗橫
悲風發兮候虫鳴林鳥起兮沙鴉驚長夜寥寥兮何人哭聲
愴恨兮不忍聽回身入房兮淚沾纓蛟虬偃蹇兮豺虎獍
孤無弦兮車說其衡知不可慮兮誰女令蹇淹留兮難爲情
履霜思裘兮煥則棄之臨河號舟兮濟而置之不綱胡魚兮
不弋胡鵠翦雞杞梓兮索灌莽以取木捕猫乳鼠兮僉以爲
仁吠狗宵警兮行者怒臆殫鸞養鼻莫知其舛斲冰以承宮
兮曷云能久長太息兮有所思林木勤兮巢鳥悲山有藿兮
園有葵心懷君兮君不知

秋天泐漻兮百草黃蟪蛄悲吟兮朝榮有芳徒復起兮獨傍
徨心悠悠兮懷故鄉原有粟兮隰有禾桂花紅兮蘭紫芽涼

風動兮松柏馨流潦落兮水泉清疏可茹兮林可酒集鄉里
兮會親友坐白石兮陰蒼筠翫明月兮思古人魚歸淵兮狐
首丘終余生兮安所求

招遊子辭

王禕

吾宗兄存誠甫名其齋居曰遠遊昔者屈原放逐之餘眇
觀宇宙欲制鍊形魂排風御氣浮遊八極後天而終以盡
反復無窮之世變故遠遊之歌所爲而作今存誠之有取
於遠遊也豈猶原之志歟予因反其意爲辭以招之庶幾
其不驚於虛遠而爲吾聖賢之歸然宋玉景差大小招務
爲譎怪之談荒淫夸豔之語今亦無取焉辭曰

遠遊雖樂兮樂不可極只子兮來歸無東無西無南無北只
東方弱水舟輒覆溺只西方流沙車不可歷只北方大漠絕

人跡只南方炎荒路險以棘只顧瞻四方屢感歷所適只遠
道雖樂將焉止息只子兮來歸反吾故居只居爾之居復爾
初只仁以爲宅邃且虛只以禮爲門義爲塗只大中爲室至
和爲厨只八珍奇味道之腴只文章燦爛錦繡敷只盛德光
華被厥軀只慈儉是實謹蓄儲只御以矩矱乘恕輿只子居
其中樂有餘只瞻前無隣後無虞只天君泰然靜以舒只聖
賢與處天爲徒只洞視八荒眇一區只坐閱千古猶斯須只
子毋遠遊苦驅馳只子兮來歸反故居只

弔伍子胥辭

高啓

覽勾吳之故墟兮灌莽鬱其龍漣館娃廢而爲沼兮歸伍胥
之遺宮奚千祀而勿毀兮繫若人之死忠昔窮逋而渡江兮
奮孤跡於羈旅旣入郢而雪耻兮又樓越而攘侮使彼吳之

強大兮非夫子而孰爲何夫差之自喜兮遽忽戒而荒娛陳
昌言之悃歎兮寔不忍視國之佔危衆以子爲回信兮肆讒
辭之詆欺夫豈不能全身遠適以自庇兮顧先王之舊德卒
待隕而何言兮恨終不能寤君之鑿惑載鳴夷兮浮遊魂惇
惇兮在中流江神念子兮哀憤鼓洪濤於高秋嗟君子之出
輔兮孰不願爲伊臯使言從而志行兮致雍熙之陶陶何齟
齟而多患兮惟重華之不可以屢遭郢侯諱而就醢兮龍逢
諫而見屠蓋自古而有之兮匪夫子獨罹乎此辜身雖歿而
義安兮又舍是將焉索彼循默而苟容兮寧獲免乎此額想
子猶念夫故都兮或乘雲而來歸顧荆棘之多露兮應攬涕
而歎歎余亦何爲而感慨兮懼直道之墜也聊陳詞而表烈
兮亦邦人之志也

雲林辭并序

蘇伯衡

常人之情未有不好繁華而厭澹泊者也入山林而唯恐
不深適江湖而唯恐不遠非抗志幽憂寄懷夷曠者孰能
之六一居士曰錢塘四方之所聚百貨之所交物盛人衆
爲一都會而又兼有山水之美以資富貴之娛吾祖東坡
先生以爲吳興山水清遠其民足於魚稻蒲蓮之利寡求
而無所爭賓客非有事於其地者不至焉是二邦固皆東
南勝處而吳興之境寬閒寂寞豈比錢塘之鉅麗雄富哉
崔彥暉氏錢塘人也顧去之而之吳興營別業一區名之
曰雲林小隱於是乎僑焉此其以澹泊爲樂而不奪於繁
華之習爲何如彥暉非抗志幽憂者歟寄懷夷曠者歟夫
以端木賜之賢又有仲尼爲之依歸其於道德之足貴紛

華聲利之不足尚固宜曉然若董猶不待辨而孰去孰取也然交戰于胷中猶且有所不免况彥暉當問學之士徇於外物而競於邪侈之際乃能決於去就如此豈直異乎尋常之人而已使克推是志以學道其於去卑陋而趨高明也何難哉此余不識彥暉而信其賢因張尚禮之請本其情爲賦雲林辭曰

眷吾父母之邦兮廼趙宋之故都既美麗又富盛兮實東南之奧區衆人胥此焉止息兮吾獨曷爲而去諸此富貴者所娛情兮雖信美不可以居矧吾舍之秋隘兮直闌闔而臨通衢車塵瀟若滌霧兮紛冉冉將浼予苟徘徊而不去兮幾何不爲逐臭之夫瞻彼樂郊兮震澤之墟俯若雪之連倚兮仰毗弁之鬱紆前豁訝之絕壑兮後蒼奔之平蕪阡陌縱橫以某

真兮聚落交錯若畫圖審面勢兮構吾廬梁桂檀兮柱杉櫛不雕不琢兮不用青以塗孽薜荔以斲隙兮苔蘚繡乎階除列陵阜以爲垣兮因澗谷而成渠長松鉅竹兮森扶疎烟條霧葉兮蔚蔽虧天矯繚糾兮若蒼龍之垂胡楚麗披離兮若翠幄之流蘇積雨之後日出之初山氣澤氣孰吹孰嘘排我簷楹翫我綺疏栖我几席襲我琴書始膚寸其來會兮旋波濤之卷舒乍奔騰以翕霍兮儻充塞而模糊何變化之奄忽兮茫洋莫辨乎四隅幻萬象以一色兮覆六合而有餘中長風之迅烈兮遂消液於須臾晝掃滅而無蹤兮杳不知其所如但見山青青而林蒼蒼兮掩映湛湛乎之太虛吾危坐而睇眄兮增感慨以長吁曰寶莫寶兮貝玉金珠貴莫貴兮爵位名譽等浮雲之不可把翫兮喟嘆先聖其豈我誣胡彼昏

之不覺兮爭貿貿以奔趨况人壽之百歲兮猶過隙之白駒
縱得之亦何補兮徒自默而自劬吾於世兮復何需屑逐隊
兮競馳驅聊歛退而從吾所好兮放浪肆恣於水滌山礪幸
糜鹿之我狎兮喜鷗鳥之不我虞春草叢茂春華敷岩紅澗
綠張氍毹幽泉發響疾以徐髣髴會朝鏘珞琤娛耳悅目樂
不可言兮世間埃壘何濡濡時招玄真子膾却赤鯉魚相就
東老舊酒壚既醉涉江弄芙蓉歌曰澤有荷渚有蒲荷爲衣
蒲爲蓑衣且食兮保我軀滯志釋兮煩慮祛逍遙委蛇兮又
何必訪偃佺於蓬壺

弔茂陵文

方希古

祗明祀而言旋兮指槐里以西征停策憇于道旁兮觀高丘
之崢嶸卽故老而訊之兮惟漢武皇之茂陵整冠裳而疾趨

兮躋遺廟以屏營淒風起于叢棘兮 黷黷孺于幽壑慨雄心
之靡託兮悲曼志之無成惟君皇之 御極兮遘炎靈之方熾
陋堯禹爲未足遵兮卑祖武而弗肯繼內瘠民以自殖兮外
震威乎遐裔駟車轍于八荒兮候神人于海塗建千門與萬
戶兮殫土木之奢麗希軒轅之騰化兮永傲睨乎斯世何盛
業之易隳兮洪謨鬱而難宣雖暫弱于戎胡兮生民疲弊而
不痊奇禍幾于巫蠱兮妃胤丁毒而啣冤諒逞心于屠滅兮
抑天道之致然闢土疆之宏廓兮曾玄宮之莫固赫兵革之
繁庶兮委守衛于草露城關之崇敞兮求斷礎而無所後宮
之韶冶兮僅或傳其塚墓像祈連以旌武兮想壯魄之已腐
嗚呼哀哉形必有盡兮孰不有亡匪君皇之獨然兮尚奚爲
隱惻而迴惶惟祈生之已甚兮或妖誑而過望謂長年而卒

老死兮斯足垂戒于昏荒明固有所不達兮智固有所短偉
才畧之英邁兮哲與愚其相半賴表聖而默出邪兮兼善悔
而能斷雖人恫而財竭兮終克免乎危亂悼往者之無知兮
尚來者之可諫感盛衰之相襲兮仰昊天而永歎

退菴辭

楊士奇

芝棹兮桂戶山阿兮水蒞雲鱗鱗兮石磊磊交松蘿兮延蔭
荔華芬芳兮襲予春之蘭兮秋之蕙羞何爲兮獨往舒蕭散
兮洩洩念盛衰兮有時盍滿盈兮豫戒撫年歲兮將晏日斯
征兮月斯邁紛駸駸兮志歸余何爲兮靡止攬吾轡兮旋軫
返吾車兮舊里恬澹兮以休全之兮終始懷夫子兮高風邈
游心兮千載

辭劍圖辭

胡儼

貫弓兮執矢望昭關兮東馳思公子兮弗諼孰問余兮渴飢
日暮兮以趨江之流兮清且漣漪彼遑遑兮求素渺浩蕩兮
何之纍纍兮遺孤心之悲兮莫予知風蕭蕭兮江日黃靡蕪
綠兮杜蘅芳野閒寂兮無人况四顧兮彷徨桂檝兮松舟儵
汎汎兮中流檻余兮旣濟欲報兮焉酬寶劍兮陸離爰解贈
兮莫我留執圭兮弗有願百金兮何求江上兮丈人義重兮
山丘撫新圖兮增慨寄遐思兮千秋

冰雪軒辭

右春坊右諭德兼翰林侍講金公幼孜以冰雪名其軒君
子有以知其素矣而或者弗察也故予爲賦焉

余旣好此奇服兮爰昭昭以自持厲潔清之端操兮將古人
以爲期廓壅蔽之黤黯兮披汗穢而去之歲冉冉而易適兮

唯昭質其未沫際嘉時之晟明兮乘青雲而上征凌天路以
翺翔兮軼埃壒而抗旌朝吾遊夫清都兮夕余憇乎扶桑鑿
瓊枝以爲食兮吸沆瀣以爲漿秉余心之貞懋兮肆志恣其
曷已雖所處之固然兮亦率余之素履匪善吾弗好兮匪德
吾弗庸保厥美以上下兮暨予心之所同何時俗之多偪兮
紛馳騁以自強汨汶汶而莫知止兮乃謂予爲匪臧曰悶悶
與昏昏兮孰萬物之我先斯伯陽之爲道兮夫子乃嘆其賢
何明哲以多智兮亦營營於土田後十祀而猶顯兮羌孰得
而舍旃曉曉易缺兮皦皦易汗塊獨守以爲姱兮何不改乎
此度衆欣欣以周容兮何吾與之寡也中仵仵以自信兮豈
若是而舍也倚前聖之遐遠兮渺茫茫其何之余將就而問
之兮質予行之所宜精專專而內凝兮神剡剡而外揚俄倘

悅以流從兮忽超乎余有行駟玉趾以前導兮彼白虎爲後
驅邈吾道夫不周兮造穎頊之所居飄風蕩而吹衣兮玄雲
翳其承宇冰峩峩以凝沍兮雪紛紛而交下炯皓曜以相射
兮清氣迫而襲余晃然令予開朗兮神蕭爽而情舒命玄冥
以導予兮謂余言之纒纒曰太素之淳懿兮斯爲物之所始
嗟人之生兮稟其淑靈理粹而純兮氣厚而清湛旦旦而弗
亡兮豈庶類之可群彼其謂予之不然兮夫豈守玄之子雲
殷湯之博大兮乃銘器而諄諄去舊染之垢汚兮圖皎然而
日新孔聖之大成兮曰吾涅而不淄臨臨其不可尚兮赫秋
陽而暴之相矩矱之在茲兮信舍是其焉求俗幽昧以眩惑
兮吾於彼其何郵駕余輶以回轉兮倏臨睨夫舊居謹余轡
而正策兮意揚揚以自虞積雪以爲墀兮斲冰以爲宇余固

延此而不遷兮庶有勺於此世重曰結予心之耿耿兮增予
思之悠悠清白以爲服兮憑往則而信脩道曼曼其超遠兮
予曷日而忘之

弔余青陽李江州詞

周敘

元鼎兮涕颺典常紊兮不綱撫長劔兮橫視屹江淮兮保障
金戈兮鐵馬時不利兮摧傷寧甘心兮一死幾頸血兮清塘
孤忠兮大節挺勁草兮秋霜正學兮雄詞捲雲漢兮天彰赫
青編兮偉烈配巡遠兮睢陽煥昭昭兮日月永千古兮爭光
右余青陽

凝遙睇兮江州屹孤城兮上流弔英魂兮何在慨元政兮不
脩政不脩兮佚游偉郡侯兮良籌訓兵兮繕甲擁猛士兮貔
貅羣兇張兮援絕天不祚兮奚尤臨大節兮不奪凜勁氣兮橫

秋匡廬兮峩峩渺大江兮悠悠君令名兮同水增余心兮頓
憂

右李江州

竹坡辭寄金川蕭樂善

劉定之

莽落木兮蕭森風不止兮葉琤琤夕陽沒兮迴光見遠岫兮
何千層我之懷兮既悲况所思兮繫之竹坡兮何所吹秋籟
兮參差美人兮在其下文恩舊兮懷幽雅蔭清陰兮以憇握
琅玕兮盈把歲云暮兮霜霰寒君不來兮行路難浮雲東征
兮不可攀倏變化兮成素鸞就君之竹兮棲縹緲永今夕兮
以盤桓

皇明文衡卷之三

皇明文衡卷之四

樂章 琴操

擬大明鏡歌鼓吹曲十二首并序

王紳

臣幸生明時獲際雍熙之治世職儒業而臣文叨竊祿位
媿無以黼黻皇猷伏覩

太祖皇帝手提三尺取胡元平僭亂以肇造區夏所以雪近
代之耻其功誠不在湯武下可無所述以見于咏歌以被
于音樂乎爰取漢魏以來所載鏡歌鼓吹詞倣其體爲十
二篇以紀豐功偉烈曰大明鏡歌鼓吹曲以上雖其言蕪
陋不足以鋪張萬一或者命將出師之時用之軍旅行陣
之間亦可以知

祖宗締造之艱難與佐命元勛之勞烈臣不勝惶愧之至

元季亂極四海兵興

太祖皇帝起淮泗平僭亂正大統為神龍躍第一
神龍躍奮滄溟耀光彩揚威靈沛厥澤甦羣生德所被枯者
榮著仁譽藹義聲壹戎衣天下平混華夷俱來庭歲僅周武
功成考厥績如日升萬斯年昭大明

右神龍躍二十句句三字

蠻子海牙以舟師扼采石王師與戰克之為殪奔鯨

第二

鯨之奔勢甚張率醜類橫大江礪厥刃比厥航聯伍為什黠
且狂 皇旅奮義旗揚兵所指冰沃湯衝其要扼其吭有弗
若者嬰以鎡鯨既殪授我疆天兵赫赫從此光

右殪奔鯨二十句句三字

元將據建業天兵擊之為開洪基第三

天常
江之表惟建康負天塹勢莫強彼昏不知肆講張恃其險干

皇震怒整戎行義旗一指虜馘亡授我首啓我疆大業已建

洪祚昌

右開洪基十六句三句句四字

陳友諒據豫章

太祖親征之大戰鄱陽湖友諒死降其眾為平江漢第四

江漢湯湯厥惟豫章醜虜憑之以恣寇攘屢涉我疆以跳以
跟天眷有明命我

哲皇爰整其旅以扼其吭戈矛洗洗旂旄煌煌部伍行行解
艘將將鏖戰大呼雷轟電揚虜酋既斃虜眾亦降凱歌以還

形於樂章於赫武功上媿商湯

右平江漢二十二句句四字

張士誠據全吳命師縛之為縛狡兔第五

趨趨狡兔固其窟穴踰伏草萊肆厥慧黠跳踉三吳馳突兩

浙

皇命征之授以節鉞桓桓虎臣鷹揚大桀兵不留行办不載
血力屈智窮自貽机穽銜壁而歸繫以縲繼民瘼既平天討
斯揭偉哉豐功允矣超絕

右縛狡兔二十句句四字

元順帝能知天命舉族北歸燕京悉平為平胡邦第

六

胡運既去如秋之索德政不脩疆宇日削爰肇我邦于彼朔

漠義旗所指摧山震嶽君臣稽顙若崩厥角舉族遠遁不待
誅縛既屋其社寰宇清廓伊誰之力惟 皇先覺

石平胡邦十六句句四字

方谷玆自元末跋扈東海命將征之舉族來歸為波
海平第七

元政既不綱萬國兵搶攘梟雄利草昧突起溟海傍名號僭
相加狼貪狼如羊大船連百艘雲濤相擊撞最爾鯨窟自
擬蛟龍截天兵渡東浙疾若列缺光投戈載妻子逃匿海中
央尋復係厥頸來詣轅門降震雷既輯聲朝暎出扶桑帖爾
波不興浩劫塵不揚殘民沐文化宛若鄒魯曾邦

右海波平二十二句句五字

陳友定據全閩出師執之為拓閩境第八

眞主起淮泗沛澤加無垠陳氏逞顛狎烽火連七閩自恃險
且遠偃蹇不我臣天兵忽爾加奮擊速且神執訊仍獲醜困
彼涸轍鱗凱旋獻俘馘磔裂徇頑鬻海嶼遂清靜千里無纖
塵群民樂蕃息煦煦涵陽春

右拓閩境十六句句五字

張師道李思齊據關中天兵平之皆入職方爲定關

陝第九

元德昏政焚焚氓戚惟顛于旻情上格命明君二豎無職方
信梗我化據中原王師下加猶不循雄兵烈烈車墩墩鐵山
且碎虜曷存禱爾魄奪爾魂鐵厥渠魁弔厥民關陝平蕩無
妖氛

右定關陝二十二句十六句句四字

元社既屋苗裔猶存大兵再加窮極北漠而胡遂滅
爲蕩胡穴第十

元民有天下腥膻我中原垂髮裂冠冕士效咿嚶言

聖人受天命遠續皇王傳手提三尺劍起自淮泗埭削平諸
僭亂胡遂寘然屏迹雖甚邈天計不可延窮追及沙漠巢
穴無復全卓哉皇業勳上雪唐宋寃

右蕩胡穴十六句句五字

明王玘據全蜀僭大號師出討之舉國來降爲關川

蜀第十一

夏明氏據全蜀僭大號保西陬恃其險遠弗臣伏我師征之
兼水陸搃厥吻搗厥腹以杖擊地駭神速焚爾櫛受爾王待
爾不死恩尤篤陶至和被清穆五十四洲歸化育

右開川蜀二十句十五句句三字
五句句四字

元屬梁王保雲南招諭不降師出征之梁王死六詔

平為斯苞枿第十二

巨木既蠹根本繇傾爰有專枿猶假息以生

皇曰肆哉毋讎我兵俾其自歸庶不戕我氓屢遣使命諭以
至誠蠢茲弗靈恣其頑冥

皇赫斯怒爰整旅以行能罷百萬如雷如霆摧朽拉枯烈烈
轟轟虜酋既殲興燹悉平遐邇歸化四海由以寧

右斯苞枿二十二句十八句句四字
四句句五字

擬祭告天地樂章凡十三 梁寅

禮局中承 詔分撰郊社宗廟樂章故有此作其音調乖

疾雖不可被之筦弦然出於

上命不敢棄其草謹錄藏之

迎神

天道大矣物繇以生地道廣矣物因以成惟鴻恩是資惟禋
祀是明神之格兮瞻續紛其並迎

奠玉幣

奠以嘉玉栗而温兮薦以重幣燁其文兮庶鑒茲哉斯禮之
存兮

奉牲

既虔我祀既具我牲角貴繭栗心之誠有必其芬于豆于登
五音會合和而平

上帝酌獻

仰明明瞻巍巍如事父粟以變物莫稱德曷報之酌用陶匏

斯其宜

地祇酌獻

勢廣厚德含弘五行具百物生承天之施功之成何以報
酌惟馨

上帝亞獻

父事惟天格神以心赫赫在上洋洋若臨樂既具止有爵其
音酌言再之庶明明之降歆

地祇亞獻

母事惟地物無不載九穀既登百貨是賴罔敢煩而瀆罔敢
忽而怠昭茲嘉貺沛兮未有艾

上帝終獻

禮行匪懈祀事孔明瑤席菲菲華鐙煌煌豐我粢盛潔我豆

觴陰陽之和邦家之昌

地祀終獻

六府孔修生我兆民富媪之功陸海之珍洞洞屬屬清酌以
陳所佑維德禎祥其臻

分獻

鸞輿下臨從百神金支秀華耀五雲增峨峨靈欣欣位以序
列享明禋

徹俎

禮嚴厥初尤慎乎終徹以示敬儀雍雍嘒嘒管籥五音從

望燎瘞

在縑早維玉在篚維幣禮從厥初迺燎迺瘞疑屹立以瞻匪
終怠

送神

神飈若馳商零上翔蒼龍並騰車以行顧茲瑤壇兮尚有祭光

擬朝會樂章凡十二首

王景

天命有德之舞

嘉禾進

堪輿寧叶氣蒸萬彙茁嘉禾生祥飈瑞露凝光精一莖九穗有三登田峻駿奔進

天廷薦宗廟將德馨時和歲豐樂太平乃知

天子在樹德雲龍風虎開休禎

野藺成

瑞道昌至治明萬化滋植盈八荒倚歟野藺集我條桑載生

載成以玄以黃以登于明堂至和磅礴黼黻文章縹為五采絲上補虞舜裳

騶虞獻

騶虞至周服至仁表天造飢不食生畜行不踐生草

聖皇御宸極德澤被枯槁林邑神聖初召南風化首邁遐躅前無偶啓貞符垂沐久

神龜呈

箕疇演洛之靈玄龜出

聖之徵皇孝理表八紘役五神策六丁胤五總符十朋介

金石利永貞

天子九九八十一萬歲壽與天齊并

黃河清

黃河清七百里水精宮下見底

聖人在位天心合并六合澄清萬國文明捐雜佩兮蒲津遺
玉玦兮龍門川后跽而陳辭兮錫蕃釐手
聖君

四夷來

天子踐祚宏拓皇謨義聲翕沓陰肅陽燿東欵扶桑西徼余
喜瀚海祝栗統為一家繩牽索引咸傳于都莫不震懼天休
涵濡狉狉狃狃以拱宸樞玉帛匪頒王會有圖萬歲千秋協
我貞符

明德新民之舞

黃河澄清

聖人召和黃流獻奇澄波清且漣漪歎薄龍門震盪坤倪萬

雷咄張光燭化機上下一碧機動天隨天啓

聖神河水為清天啓 聖神治化底成 聖德天齊造化降

精 聖德天齊心與道疑萬國一統 聖聖相承

嘉禾同穎

祥開函宇地出嘉禾端倪叶應大瑞是荷同穎異畝瑞協周
家以濯仁風以昭泰和惟 皇忠厚被草木懋昭大道同變
化是知 聖心能致和上與天運同亨嘉

慶雲成彩

德動天鑒慶雲呈祥紛為華蓋燁為天章郁郁芬芬靉靆茫
茫映日烜彩隨風飛揚昭回麗河漢覆燾弥下方
神聖揚清芬溥暢融天光

龍馬來廷

天之駟龍之媒產大宛徵渥洼追流星籥天街汗流赤心九
垓歷閭闔觀玉臺西風十二閑爭稱龍馬來蹴踏五雲暖神
光夜昭回詠蕩蕩天門開

甘露降祥

和氣叶甘露凝晒寶斃軼金莖厭厭浥浥穰穰熒熒而於粲
其英如飴如飴如珠如脂不隨日以晞
天子神聖與天合德至和攸繹以濡天液
天子聖仁與天同甄至和氤氳以播靈芬瑞應之彰有必其
芬於萬斯年受天之慶

四夷咸賓

聖皇御天治化攸甄文武並用其幾孔神極日月之所照莫
不獻贄而效环普天率土悉妾悉臣環拱址辰以沐至仁德

懋被乎習爽聲教暨乎八蠻陋漢唐之用師修成周之王會
其道斯何王者無外

擬朝會樂章

凡千六百

顧祿

升座

樂奏泰安之曲

金門洞開寶座尊崇煌煌龍衣穆穆

聖容俯臨萬國高拱九重臣民稱賀玉帛來同

公卿入門

樂奏治安之曲

萬乘天臨千官景從濟濟卿士秩秩王公造班駕鷺接武變
龍同心協德永劾公忠

上壽

樂奏壽安之曲

天眷

聖皇應運開基尊臨大寶撫有華夷武功底定文德弘施微

臣曷報仰稱壽卮

君親之重實爲臣綱

至尊至敬著在天常仙韶按曲玉醴浮觴載伸華祝萬壽安

康

舉酒

樂奏嘉禾之曲

有美嘉禾勃如雲興一莖九穗異畝同榮至和所召盛德之

樂奏卿雲之曲

天上垂象著于卿雲九苞鳳彩五色龍文迎風郁麗映日綱

聖君

樂奏紫蓋之曲

聖人受命紫蓋呈祥亭亭錦覆燁燁霞張天中屹立雲際飛

揚眷茲靈祐

樂奏彤旗之曲

在昔征伐旗纛爲先仰惟

聖朝著象于天彤竿對峙赤羽文鸞克敵之應萬方歸焉

樂奏神芝之曲

后祗效德神芝挺生曄曄三秀濯濯九筮紫黉絢彩綠葉敷

武功之舞

聖主承

天運臨濠樹義旗萬方思洒日一劍奮興時采石方收捷金

陵即駐師神機安可測建此萬年基大命歸真王群心屬
至尊神功參造化英略定乾坤永洽雍熙治弘惟曠蕩恩華
夷俱奉貢冠帶入天門

六成

江漢親征日風雲磨算中六師方奮武孤寇已潛蹤矢石飛
星急樓船烈火攻興 王天已祚次第靖群雄
萬乘龍飛始東吳尚陸梁 天兵將問罪騎虜敢稱王負固
三時久終成一戰降山河畿甸接表裏壯金湯
陝右遺梟獍山東據虎狼神威方遠及小醜孰能當飲馬黃
河上觀兵華岳傍來蘇人望切載道獻壺漿
王師若時雨隨地霑恩波東浙爭歸款南閩已戢戈山川回
正氣田野起謳歌一洗兵塵淨群生樂泰和

巴蜀雖云險區區在一隅偏方寧自守逆豎謾狂圖正類蛙
截井負成虎負嵎神兵飛渡入俄報定成都
大將承 王命長驅向北征揮戈清朔土按轡入燕城圖籍
登天府車書混玉京從容歸奏捷萬姓共歡迎

文德之舞

一統

皇圖大三陽泰運開王侯鳴珮入蠻貊獻珠來瑞靄騰金闕
祥雲護玉階太平人物盛鼓舞樂春臺
鷄鳴欲曙天冠蓋集群賢拜舞瞻

龍座懽愉侍

御筵玉杯傳法醞仙樂奏宮懸願祝

君王壽齊稱億萬年

六成

五彩眩睛虹神都王氣鍾石城嚴踞虎鍾阜蔚蟠龍宮闕天
光近金湯地勢雄四方均貢賦萬國敬來同

皇朝崇祀典

聖主每齋心天地嚴昭格神祇肅降臨牲牢歆大享金石奏
清音三獻精誠至端知錫福深

創業知非易圖安念守成

帝心常簡注

皇業在經營脩德承天意推誠軫物情一人恢大業萬國仰
昇平

盛典稽前古

皇心協至公建

諸安國本列表上錫玉封玉冊加殊禮金支

衍大宗群臣無以贊三祝但呼嵩

宵旰思賢切旁求滿四方山林登隱逸朝野慶明良際遇風
雲會瞻依日月光同心匡盛治竹帛求流芳

中國聖人興羣方仰大明海波俱帖息年穀屢豐登玉帛來
諸國梯航貢上京臣民咸舞蹈

萬歲賀朝拜

還宮

洪惟

聖主端冕凝旒高躋舜禹遠邁殷周功成治定禮備樂脩受
天之祐萬歲千秋

補零壇祝舞歌辭

宋濂

周官有司巫掌群巫之政令若國大旱則師巫而舞雩漢

六成

五彩眩睛虹神都王氣鍾石城嚴踞虎鍾阜鬱蟠龍宮闕天
光近金湯地勢雄四方均貢賦萬國敬來同

皇朝崇祀典

聖主每齋心天地嚴昭格神祇肅降臨牲牢歆大享金石奏
清音三獻精誠至端知錫福深

創業知非易圖安念守成

帝心常簡注

皇業在經營脩德承天意推誠軫物情一人恢大業萬國仰
昇平

盛典稽前古

皇心協至公建

諸安國本衣上錫玉封玉册加殊禮金支

衍大宗群臣無以贊三祝但呼嵩

宵旰思賢切旁求滿四方山林登隱逸朝野慶明良際遇風
雲會瞻依日月光同心匡盛治竹帛求流芳

中國聖人興羣方仰大明海波俱帖息年穀屢豐登玉帛來
諸國梯航貢上京臣民咸舞蹈

萬歲賀朝拜

還宮

洪惟

聖主端冕凝旒高躋舜禹遠邁殷周功成治定禮備樂脩受
天之祐萬歲千秋

補雩壇祝舞歌辭

宋濂

周官有司巫掌群巫之政令若國大旱則師巫而舞雩漢

法夏不雨祀竈毋舉土功更火浚井暴釜于壇杵曰于術
爲四通之壇於邑南門外方七尺植赤繒七其神蚩尤祭
之赤雄雞七玄酒具清酒搏脯祝齊三日服赤衣拜跪陳
祝辭以丙丁日爲赤火龍一長七丈又爲小龍六長三丈
於南方皆南向壯者七人皆齊三日服赤衣而舞之司空
嗇夫亦齊三日服赤衣而立之鑿社而通之間外之溝取
五蝦蟇錯置社之中池方七尺深一尺酒脯祭齋衣赤陳
祝如初取三歲雄雞豕燔之四通神宇令民闔里南門
闕里北門幸得雨報以豚一酒盞黍財足以茅爲席然周
制久廢典午以降漢法亦不行而祝辭尤闕歲丙申夏旱
羣巫雩于山川之神予既書其事授之復補其辭使巫歌舞焉
於泰鴻冑下民動以化時屈伸俾未爲萬物甄亢則害陽畢

屯土膏耗翁欲瘠田暖奔勢維礮壇四通俊明神神中臨款
如煙

粵嘉錫燦若羅蘭握薦豕炳管蕭灌鬱金菊芳蒸氣上廷合
溟濔洞五精貫八標茫無外莽脩脩門沈碣駕以衆俯下土
無不剗

鬱行風羽輪翔玄黃變慘復爽衆媿集九景章夢然存索之
亡爍陰明迴叢陽符翹襟逝弗忘崇明裡成穡功憑紺筵嚴
以印

應上公與天通植赤繒驂紅龍左列缺右豐隆流火降鉅若
鴻鬼婦劉散爲風灑靈注徧四封函斯活穎茸茸衆維魚兆
已從

融祉暉毓宵氓甫田阜物豫成風平平綽以行人勇與鬼勝

蠻耿曜振霈充盈神心暢樂茫良四寓綏萬國洋洽大康慶
昭膺

廣漢難辭

宋濂

難古禮也周人三時皆行之春冬之季難難陰氣也仲秋
之月難難陽氣也蓋二氣或伏屬將乘之為災故難以止
焉其制命方相氏帥百隸索室毆疫以逐之又磔牲以禳
四方之神漢龍齋制而其儀加詳選中黃門子弟百二十
人為侂子赤幘皂製執鼗方相黃金四日蒙熊皮玄衣朱
裳執戈揚盾十二獸有衣毛骨中黃門行之冗從僕射將
之以逐惡鬼於禁中夜漏上水朝臣會侍中尚書御史謁
者虎賁羽林郎將執事皆赤幘陞階乘輿御前殿黃門令
奏曰侂子請備逐疫於是中黃門倡侂子和其辭凡八十

言繼作方相與十二獸儻謹呼徧前後省者三持炬火送
疫出端門外騎士以次傳火棄雒水中自漢至今

朝廷之難雖廢而民間猶有存者先臘一日巷陌社隸飾鬼
神貌御五色龍虎文衣巡門擊鼓而難之子惡其言鄙褻
因疏古者用難之意復廣漢辭使習焉其辭曰

陽陰乘化左右而行日歷昂畢得積屍大陵其氣勃芒更滋
虛危墳墓西司鬼官攸房厲附強陰而降于嬰殃咨爾十二
神宣其威良焱突劔充肺胃食虎甲作食凶雄伯食魁騰簡
食不祥攪諸食外伯奇食夢祖明強梁共食磔死寄生委隨
食觀錯斷食臣劔其腎腸窮奇騰根同享於蠱母使害傷咨
爾十二神鍛爾戎兵出軛四方叱厲之益以代酒漿解厲之
肌以克糗糧絲厲之腱織以為衣裳斥除隱陰暢回明陽乾

坤載清物楫民印惟爾神之功神或不慶上帝是明急急如律令

銅井迎送龍辭

唐肅

伐鼓兮吹簫迎我龍兮山椒龍之都兮何所泉淵淵兮石為戶扣龍車兮乞靈龍不出兮我心若醒我心若醒兮龍寧弗聞

我扣龍兮龍卹風旋波兮龍出龍之出兮福予變日燒兮為澍龍為澍兮我弗飢返山椒兮雲旗風冷然兮龍之歸

迎日辭

鳳炙兮麟脯瑤席兮桂俎樂萬舞兮如雲吹笙竽兮龍二女旌子子兮載與六蒼皇歷天衢雲需需兮夜未艾執長轡兮久相待

平胡鏡歌鼓吹辭有序

楊士奇

臣聞兵者聖人所以衛民之具也故為天下國家者不可一二日而忘武備易曰除戎器戒不虞書曰克詰戎兵至若征伐蒐狩具見於詩禮春秋皆聖人重武事也洪惟我國家肇膺天命武以靖亂文以經邦

列聖相承其道一揆

陛下嗣承大統恢弘化理海內外日月所照臨之地其人皆摠誠効順祗奉方物朝獻闕下惟朔漠殘虜叛服不

常屢寇邊陲擾我黎庶乃今歲之秋田穀登場三農畢務皇上因田獵以閱武龍旌所嚮于畿東郊而東北塞垣不遠伊邇遂戒六御親飭邊防車駕蒞薊州之石門邊報胡虜入寇已迫塞下

上曰天厭其惡俾來就斃乎將士皆踴躍思奮

上曰兵貴神速朕以鐵騎先馳赴之當今迅雷不及掩耳爾將士以次徐來即日

上率鐵騎三千出喜峯關翼日與胡虜遇虜駭愕出不意謂神兵自天而下也

上麾鐵騎為左右翼前包虜陣飛矢如雨虜狼狽死者甚眾餘率累創退走

上以鐵騎數百繞出虜後盡獲之遂斬其酋渠而生繫其眾虜無一跡得遁者遂命將士搗虜巢穴而悉收其部落族屬及所畜聚駝馬牛羊輜重以累萬計關塞以北羶腥之區蕩然一清臨邊之氓遂以安枕無虞臣惟

皇上聖志宵旰孜孜篤在安民車駕之初出也因農隙以

講武事因所歷以飭邊防非有意殺伐也而天絕醜虜將受其命於聖明故使之豺豕跳踉而天戈一麾瞬息之頃灰滅澌盡此皆本於

皇上愛民之仁得天助佑而明斷天縱英武神奮遂建廓清之大功蓋近代帝王所鮮有也臣嘗考見古昔盛時帝王建武功者皆有饒歌鼓吹樂辭被之絃歌用示永遠臣忝執筆從屬車後目睹

聖武神功之盛不能自默謹做漢唐篇數撰饒歌鼓吹曲辭十二篇庶幾宣著盛美於無窮焉謹錄上進伏惟
睿覽

秋穀既成農事告畢車駕因田獵以飭邊防為田
獵第一

皇聖仁恤元元勤宵旰保厥安顥氣肅零露溥田穀成農乃
閒駕六御獮于原颯蕩氛景凝春導旂常翼旗幡衛弓矢從
羽于鑾雍雍鼓闐闐行郊畿歷山川遊豫時兆庶歡

右田獵之曲二十二句

車駕及石門驛邊城奏虜入寇遂定親征爲邊奏
第二

嚴警蹕先皇輅坦坦砥如薊之路東石門陜以阻士鷹揚奮
飛度有來匪函奏龍御調胡犬羊呈邊侮

皇曰噫嘻胡曷恃而來自投于隕天俾之天所俾予敢稽顙
厥渠縛厥徒胡之殲其在斯

右邊奏之曲二十二句

車駕出喜峰關道陜而險將士奮勇以從忘其勞

馬爲度關第三

度關山履巘岼陜以峻十步九屯旅肅肅氣桓桓凌奔崖越
飛湍斂旄鉞包旌干潛鋒箭鏑捷羽翰 龍御所歷祥景暄
虎豹遠遁跡陰霧披以散但望殺氣遠塞垣虜冥昧尚恣兇
殘

皇威一震奮擊下九天

右度關之曲二十二句

車駕出關一戰殄虜悉戮其酋渠生繫其徒爲皇
武第四

皇武揚奮自天智以勇機捷神左麾右斥鐵騎奔捲如電掃
呼霆震虜魄攝虜魂摧虜陣蕩虜群蹂躪泥津揮埃氛燎
毛斧枿斂已塵停龍劔息虎賁霽 天威怡 天顏

右皇武之曲二十句

分命將士索虜巢穴用竟天討為天討第五

麾將校窮幽僻搗巢窟歷山澤索種類搜部落逐聲影躡蹤
跡驅犖畜舉馱積懷包席捲累萬億氣駭蕩羶腥滌陰山清
翰海碧曠澄明漠之北萬斯年 神武績

右天討之曲二十句

兇愍既清遂撫安邊氓為安邊第六

斬蛟鱷禽大勳疆場靖寧 聖不忘備脩防禦申警戒咨爾
邊之氓我綏我懷祛爾害灾康爾危爾勤爾生罔畏疑力爾
田桑去爾寒與飢爾老爾安爾幼爾慈疇爾厲辟以治疇爾
厲予在茲

右安邊之曲二十句

武功既成 詔告中外為武成第七

皇仁威靖疆圉

皇聖志布昭于下渙德音周率土維時烝民受天之付與圖
保厥付勤旦與暮有其毒之敢康弗赴斲之繫之匪予志究
武敬天之付亦承厥佑助猗
皇仁承天祐

右武成之曲十八句

邊圉既寧下令班師為班師第八

氛塵息邊徼清武功建

皇心寧鏡簫作凱奏興 六龍御八鸞鳴祥颺翼輦慶雲奉
旌傳警修途班師上京大明行天川岳光榮太和融峯萬物
遂成美洋洋騰頌聲

右班師之曲十八句

車駕旋京行獻俘禮為獻俘第九

維大寶承于

祖考維下民 祖考後保克時永保維

皇聖孝維 皇聖仁惠保暨濱激彼狂以擾肆用劉勅賦與

伴祇告清廟剪稂與莠穀用秀好維

祖考之制欽率允蹈 皇神武往有耀

右獻俘之曲十八句

既旋勞資將率為將勞率第十

皇振旅皇明堂資將率以勞以享奏常武歌杖杜

皇曰爾來予股肱心膂維時武功俾民遂保豈維子克奮

汝良子輔咸拜稽首維

皇神武 聖謨斷自天康時兆庶

右勞率之曲十六句

武功既昭丕隆德化為隆德第十一

皇統御政化明威服德懷洽萬邦傾誠來歸筐篚相望蠡彼

孽虜性豺狼獨反側靡常窺間伺隙為寇攘

皇震怒神武揚天戈振一掃澄清蕩蕩寰宇如砥平橐弓載

矢韜五兵尚飭干邊防嚴禦備式末寧坐黼宸弘化綱煥禮

樂齊虞唐

右隆德之曲二十二句

海宇泰和天下忻戴咸祝

聖明萬萬歲壽為 聖壽第十二

皇震威 皇仁宣溥四表霈八埏日月所照臨雨露無私偏

咸足飽與溫禮讓弗愆泰和世堯舜恩國家隆盛海宇安
天子御丹宸萬億年福廣大齊乾坤

右聖壽之曲十六句

代祀漢光武皇帝辭

劉定之

漢光武皇帝享國餘三十年垂統過二百年祀典越千數
百年而弗替何其盛哉竊嘗以爲武功文治帝者之所難
兼自漢諸帝言之武無競於高祖而以在位日淺故不暇
給於文文莫懿於太宗而以繼體守成故無所事於武兼
之者帝也至其量時度力閉關却貨置孝武之功於度量
之外明慎政體總攬權綱包孝宣之治於範圍之內帝之
所就出乎漢諸帝之右有若此者則其盛也不亦宜乎惟
聖天子重登大寶祭告于帝而臣實來供事爰述其槩而

繫以辭曰

木蒼蒼兮山風委玉體兮充宮皇靈兮如在亘古今兮曷窮
杳南巡兮春陵舊御過故都兮洛之陽復北返兮至茲稅龍駕
兮徜徉鑑芳潔兮禋祀飄何往兮瑤空無際夜闌兮天漢橫
烟峯旗兮斜曳皇應侍兮上帝之所永錫福兮

聖世

琴操

飛泉操

宋濂

浦陽玄麓山有飛泉濂與鄭原先生數觀之造飛泉操鼓
之琴書諸崖石其辭曰

飛泉兮瀏瀏洗耳固非兮誰飲我牛覆謂我污兮移彼上流
具人之形兮奈何忘人之憂

琴操二首

客有吏於海東者以能擊貪暴聞然終用是受誣嘔血死
予友胡徵君為著哀辭一通予讀之甚悲竊取其意作哀
海東傷妣女二操使善琴者彈而和之客之鬼或有知則
其辭辭之氣庶幾少伸矣乎辭曰

我哀東海而思之苦彼何人斯猛噬如虎我不擊之我民之
憂縱不我與覆以我為仇蒼天雖高究其有極非血之嘔曷
明心赤泱泱大風沉沉寒泉含旃含旃我尚何言

右哀海東

有妣者女顏如舜英詆我以醜我其何傷眩白為黑古亦多
有自尤不遑敢誰之咎黃鵠飛來其音聞聞我心苟安何戚
弗欣天上下地命也奈何命也奈何焉知其他

右傷妣女

思沂操

胡翰

曾氏有居越者睠焉不忘曾之舊鄉余以聖賢之道不下
帶而存也作思沂操以廣其志云

沂之水兮泱泱曷不歸兮以浣我裳我思兮孔長沂之水兮
湜湜曷不歸兮以沐我德我思兮心惻沂可思兮亦可沂予
鼓而舞兮喟吾之與兮

風雷引

烈烈兮轟轟為颶兮為霆迅發兮震驚薄太虛兮下上聲謂
天儕兮孔仁孰司柄兮赫厥靈民無愕兮載寧威既揚兮沛
澤零

在陳操

劉基

彼山有揚兮彼隰有翔彼路斯何兮孔棘且阻玄雲杳冥兮
不日以雨重華寂寥兮誰與晤語茫茫九州兮孰爲予所龜
蒙無人兮駕予歸處

古琴操

王禕

春秋時晉大夫有從事于外而不得養其母者作皇天操
皇天至仁冒下土兮林林總總各獲其所兮我獨何爲不得
以養其母兮育我鞠我亦已太苦兮養之弗時我何爲者兮
自我徂征離此膝下兮有食孰以食疾痛其孰摩撫兮我之
念母心焉如縷兮母之念子亦豈寧處兮皇天之毒我其終
我祐兮

右皇天操凡十韻

戰國時楚臣有忠其君而被竄逐者作江漢操

江漢滔滔曰注于東只豈惟江漢百川朝宗只臣之事君所盡
者忠只臣忠之盡見謂爲狂只我君聖明如日正中只豈弗
臣察其或未遑只抑臣實有罪盍及諸躬只自今以往矢益
竭衷只臣雖身遠臣心上通只臣心之通君終臣容只謂臣
不信江漢其同只

右江漢操凡十一韻

廣琴操十首并序

朱右

操者操也君子操守有常雖窮阨猶不失其操也其音節
固古詩騷辭之體然詩以興騷以怨操以操作廣琴操廣
云者題義因韓子之舊也

將歸操

孔子之趙聞殺鳴犢作

河之深兮誰將厲之河之淺兮誰將揭之洋洋兮不我濟
之竭澤以漁兮蛟龍辟之覆巢殒胎兮鳳凰去之夫人有知
兮予實類之九州博大方將子遂之

倚蘭操

孔子傷不逢時作

習習公風以陰以雨巖穴幽阻誰其晤語倚蘭之芳燁燁其
光不我佩服昊天孔明子如好脩維我之求子如不好於我
何郵

龜山操

孔子以季桓子受女樂諫不從望龜山而作
維龜有山造初鴻濛自龜之東淮夷來從膏澤既施草木實
多周公上天奈龜山何

越裳操

周公作

天之聰兮聵聵其音天之明兮盲盲其深天之仁兮實臨下
民文王在上兮於穆不已浩浩其天兮時暘時雨越裳來臣
兮萬物斯覩

拘幽操

文王姜里作

姜之陰兮采采姜之室兮幽幽嗟室之人兮爲死爲囚匪維
伊憇兮實我之郵日月有明兮容光弗留

岐山操

周公爲大王作

自郇有家于夏之先克承弗怠瓜瓞綿綿開我邠宇衍我宗

禮嗟秋之人敢乘以奸彼岨矣岐將遂于遷既有我土毋戕我民

履霜操

尹伯奇無罪為後母譖而見逐自傷作

驅車驅車車行無違兒在中野父寧不悲驅車驅車車行無違兒當有母孰使兒飢天生衆民罔不同仁風雨霜露實活我人民生有知以順天賦

雉朝飛操

牧犢子七十無妻見雉雙飛感之而作

雉于飛山之陲孤雄啄羣雌隨雉于飛音上下陰陽和鳴聲惕胡我人朝出新入無家徂歲年

別鵠操

商陵穆子娶妻五年無子父母欲其改娶其妻聞之中夜悲嘯穆子感之而作

黃鵠雙飛朝隨暮歸山川悠邈不女乖離今當乖違且復徘徊女啄女飲母使女悲

殘形操

曾子夢見一狸不見其首作

狸維獸不見其首我夢之形舌凶曷究式協于占載觀其繇曰脩爾躬自天之佑

望歸操

哀周復子死於虎而作

高啓

兒旦而出于山之麓兮兒夕不歸在虎之腹兮我往無所棲蒙龍被谷兮嗟爾耽耽弗食我豕犢兮穴亦有子胡寧使我

獨兮

皇明文衡卷之五

表牋

乙巳年賀千秋節表

未模

五百年有王者興適當今日千萬歲願聖人壽茂對昌辰天地協祥臣民交慶中賀繼天立極歛福錫民應禱而生彌誕神光之室乘時而起肇基王氣之都是皆天眷之所隆夫豈人謀之可致故十載克成乎大業而四方益闢於丕圖江漢既已朝宗閩廣固宜職貢餘浙正須秉麾而順邊淮豈待仗鉞而從蓋將北定乎中原抑宜入承乎正統一人有慶萬福攸同某等遠牧虎藩遙瞻象魏莫克對紫宸而拜益深拘舟悃之誠航海梯山重譯悉圖於王會普天率土三呼咸比於華封

代翰林院勸進表

蘇伯衡

伏以纘百王之正統莫大乎宅尊得萬國之驩心宜先於建
極蓋惟體元而居正斯足應天而順人是以高帝開基甫四
載而卽位于汜水世祖興復僅一年而踐祚于鄗南雖遠畧
之不遑而不稱之是講義有攸當道在隨時中謝欽惟
躬膺曆數之歸德合乾坤之大玄符嶺握江左首平黃鉞再
麾潯陽端定僭偽兼收於漢孽提封奄奠於樊襄來享來庭
南交廣西隴蜀干壇于理左濠泗右河淮舍齒食毛者咸懷
俟戴阻兵恃險者悉就誅擒推聖人兼愛之心委上將專征
之任義旗所指羣帥之內附肩摩仁聞所孚連城之款降踵
至蓋師出以律而民遂其生斯不戰而屈人故大悅而歸已
今則士誠梟首於

闕下會稽通籍於域中弓矢永棄輿圖載闢此皆二儀協贊
以申保佑之休百神効靈以開混一之運豐功盛烈之著揆
諸二帝則已多大寶鴻名之膺質諸兩漢則已晚是雖聖明
謙讓之節夫豈幽顯仰望之情臣念眷命不可久違謳歌難
以固拒輒陳愚懇冒瀆

宸嚴伏望仰體天心俯從人欲特頒明詔俾擇良辰講其禮
而正其名以其德而居其位則郊廟社稷萬靈永有所主華
夏蠻貊億載得以承事

國子學賀登極表

寶曆在躬應千齡之上聖瑤圖啓運得百姓之驩心

臨御云初謳歌爲盛

中賀欽惟

聰明天縱剛健日新仗尺劔以定羣雄道符漢祖歷一紀而

成大業功邁唐宗陶匏蘭粟以載祀而

上帝時歆詩書禮樂以造士而下民祗若風行雷動敷治象於多方春育海涵播仁聲於庶類仰正統之誕紹知景命之永延凡在生成固不慶賴臣等獲觀鉅典幸際昌期車同軌書同文行同倫致治恭陳於善頌黨有庠術有序國有學敷言願贊於成能

代翰林院賀登極表

皇穹垂佑誕錫貞符

哲后挺生丕承正統華夷永賴臣庶均驩中賀欽惟匹馬渡江六龍御極

大明建國八綖咸圍於照臨洪武紀元九域同歸於戡定於昭駿烈有赫鴻猷臣等仰沐

恩波叨居翰苑雲從龍風從虎聿逢千載之昌期河出圖洛出書願啓萬年之文運

代中書賀平杭湖秀越表

伏以近悅遠來率土歸

聖人之德南征北伐無敵為王者之師適瞻齊斧之特班遄見捷書之洵至羣情胥慶一統維期中賀臣聞高帝開基載興齊楚之役太宗啓運復加充寶之誅夫欲和衆而安民則必兼弱而攻昧事非得已兵不留行茲蓋伏遇

皇帝陛下智勇自天聰明冠世廓清區宇番禹衣被乎恩光循撫遐荒隸道上供其方物顧茲浙右尚阻華風爰致斯赫之威用副侯蘇之望收海陽以遏其衝要定秦郵以擣其腹心濠梁泗水舉若摧枯臨淮壽春取如拾芥計益窮而負固

地逾感而偷生

宸慮彌切於解懸戎車遂勤於再駕勢成倚角人効智能引
領義旗親黨之投戈恐後允懷仁聞謀臣之稽顙爭先苕霽
首平吳松繼下齒錢唐於郡縣登會稽於版圖崑山傳檄而
從距牙斯拔擢李攄誠而附蕃屏悉空叛將就磔於藁街禁
旅環攻其外郭茲雖天眷實出廟謨殲厥渠魁佇看虞之不
臘維其士女幸覩堯之授時臣等叨列星垣獲觀露布烟火
萬里式歌神武之功干羽兩階永底文明之治

代秦王府官謝表

伏以誕膺景命開車書一統之基衆建懿親爲宗社萬年之
計茲肇開於土宇遂董正於宮寮中謝臣歷觀夏商以及周
漢方其授茅土於子弟孰不任忠良爲股肱蓋凡前後左右

之人固非吉士則得脩齊平治之術斯爲令王今

神聖之膺圖仰皇王而取則方立經陳紀之始爲宗子維城
之規况秦國四封奄有關內而形勢百二在其域中府署之
開傳相之設固將藩屏

帝室豈惟保佑王躬宜得重臣以申器使臣等經文緯武才
不及於曹參博古通今學有慙於賈誼夫何僥倖乃辱甄收
此蓋伏遇覆載等乎乾坤將曲成於庶物高明齊乎日月靡
求備於一人斯朽鈍之微踪亦叨塵於華選臣敢不虔恭夙
夜苟非唐堯虞舜之道焉敢陳祗過訓謨罔俾河間東平之
賢專其美

進大明律表

宋濂

臣聞天生烝民不能無欲欲動情勝詭僞日滋強暴縱其侵

陵柔儒無以自立故聖人者出因時制治設刑憲以爲之防
欲使惡者知懼而善者獲寧傳所謂獄者萬民之命所以禁
暴止邪養育羣生者也譬諸禾黍必刈稂莠而後苗始茂方
於白粲必去砂礫而後食可食苟梗化敗俗之徒不有以誅
之雖堯舜不能以爲治夫自軒轅以來代有刑官而五刑之
法漸著其詳弗可復知逮魏文侯師於李悝始采諸國刑典
造法經六篇漢蕭何加以三篇通號九章曹魏劉劭又衍漢
律爲十八篇晉賈充又參魏律爲二十篇唐長孫無忌等又
取漢魏晉三家擇可行者定爲十二篇大槩皆以九章爲宗
歷代之律至於唐亦可謂集厥大成矣洪惟

皇帝陛下受億兆君師之命登大寶位保乂臣民孳孳弗怠
其訓迪羣臣諄復數千言惟恐其有犯慈愛仁厚之意每見

於言外是大舜惟刑之恤之義也矜憫愚民無知陷于罪戾
法司奏讞輒惻然弗寧多所寬宥是神禹見辜而泣之心也
唯貪墨之吏承踵元弊不異白粲中之砂礫禾黍中之稂莠
也乃不得已假峻法以繩之是以臨 御以來屢詔大臣更
定新律至五六而弗倦者凡欲生斯民也今又特
敕刑部尚書劉惟謙重會衆律以協厥中而近代比例之繁
姦吏可資爲出入者咸痛革之每一篇成輒繕書上 奏揭
於西廡之壁

親御翰墨爲之裁定由是仰見 陛下仁民愛物之心與虞
夏帝王同一哀矜也易曰山上有火旅君子以明慎用刑而
不留獄言獄不可不謹也書曰刑期于無刑言辟以止辟而
民自不敢犯也 陛下聖慮淵深上稽天理下揆人情成此

百代之準繩實有易書之奧旨行見好生之德洽于民心凡
日月所照霜露所墜有血氣者莫不上承神化改過遷善而
悉臻雍熙之治矣何其盛哉臣惟謙以洪武六年冬十一月
受 詔明年二月書成篇目一準之於唐曰名例曰衛禁曰
職制曰戶婚曰廩庫曰擅興曰賊盜曰鬪訟曰詐僞曰雜律
曰捕亡曰斷獄采用已頒舊律二百八十八條續律百二十
八條舊令改律三十六條因事制律三十一條掇唐律以補
遺一百二十三條合六百有六分爲三十卷其間或損或益
或仍其舊務合重輕之宜云謹俯伏

闕廷投進奉表以 聞臣等誠惶誠懼稽首頓首謹言洪武
七年 月 日具官臣 等上表

進元史表

伏以紀一代以爲書史法相沿於遷固考前王之成憲周家
有監於夏殷蓋因已往之廢興堪作將來之法戒惟元氏之
有國本朔漠以造家用兵戈以爭強并部落者十世逐水草
以爲食擅雄長於一隅逮至成吉思之時大會幹難河之上
始尊位號漸定教條既近取於乃蠻復遠攻於回紇渡黃河
以蹴西夏踰居庸以瞰中原太宗繼之而金源爲墟世祖承
之而宋錄遂訖立經陳紀用夏變夷肆宏遠之規模成混一
之基業爰及成仁之主見稱願治之君唯祖訓之式遵思孫
謀之是遺自茲以降聿號隆平豐亨豫大之言鼓倡於天曆
之世雖析渙奔之禍馴致於至正之朝孽幸蠱惑於中權姦
蒙蔽於外蕩網祗因於疏闊周綱遠至於陵遲風憲皆爲不
捕之猶將士盡成反噬之犬由是羣雄角逐九域瓜分風波

徒沸於重溟海嶽竟歸於 真主 中謝欽惟

皇帝陛下奉天承運濟世安民建萬世之丕圖紹百王之正統

大明出而燭火息率土生輝迅雷鳴而衆響微鴻音斯播載念盛衰之故卽推忠厚之仁發言實旣亡而名亦隨亡獨謂國可滅而史不當滅特詔遺逸之士欲求議論之公文詞勿至於艱深事迹務令於明白苟善惡瞭然在目庶勸懲有益於人此皆

天語之丁寧愈見

聖心之廣大於是命翰林學士臣宋濂待制臣王禕儒士臣汪克寬臣胡翰臣宋禧臣陶凱臣陳基臣趙堦臣曾魯臣趙訪臣張文海臣徐尊生臣黃篋臣傅恕臣王鈞臣傅著臣謝

徽臣高啓分科脩纂故上自太祖下迄寧宗靡不網羅嚴加搜采恐翫時而愒日每繼畧以焚膏故於五六月之間成此十三朝之史况往牒舛訛之已甚而他書參考之無憑雖竭忠勤難逃踈漏若自元統已後則其載籍無存已遣使而旁求俟續編而上進愧其才識之有限弗稱三長兼以紀述之未周殊無寸補臣濂忝司鈞軸幸覩成書信傳信而疑傳疑僅克編摩於歲月筆則筆而削則削敢言褒貶於春秋仰塵乙夜之觀期作千秋之鑑所撰元史紀三十八卷志五十三卷表六卷傳六十二卷目錄二卷通計一百三十萬六千五百餘字謹繕寫成百二十冊隨表上進以 聞

謝 恩表

劉基

伏以出草萊而遇

真主受 榮寵而歸故鄉此人人之所願欲而不可得者也
中謝欽惟

皇帝陛下以 聖神文武之姿提一旅之衆龍興淮甸掃除
羣雄不數年間遂定中原奄有四海神謨廟斷悉出

聖衷舜禹以來未之有也臣基一介愚庸生長南裔踈拙無
似其能識

主於未發之先者亦猶巢鵲之知太歲園葵之企太陽以管
窺天偶見於此非臣之知有過於人也至於仰觀乾象言或
有驗者是乃

天以大命授之 陛下若有鬼神陰誘臣衷開導使言非臣
念慮所能及也

聖德廣大不遺封非遠法唐虞功疑惟重之典 錫臣以封

爵 錫臣以食祿俾臣回還故鄉受榮寵以終其天年臣竊
自揆何脩而膺此大馬微忱惟增愧懼已於洪武四年二月
初四日到家謹遣長男臣璉捧表詣 闕拜謝

聖恩臣基無任激切屏營之至謹奉表稱 謝以 聞

封建親王賀 東宮牋 高啓

監國撫軍久繫兆民之望建邦作輔大頒同姓之封隆典式
脩輿情均慶恭惟

皇太子殿下居震長道合乾剛孝奉

兩宮每問安於曉寢友懷諸弟共講學於春坊既膺主鬯之
崇復舉分茅之盛本支茂衍宗社奠安某等忝預台司敢伸
賀悃河如帶山如礪永存萬世之傳日重光月重輪敬上

千秋之祝

進千家姓表

吳沉

臣沉等言臣聞古者天子建德因生賜姓胙土命氏此姓氏所由興也三代以前有姓以別婚姻氏以辨貴賤所由來尚矣三代以後姓氏寢廣推原其始有以帝王名號為氏者有以王父字為氏者有以所生之土為氏者有以官有以爵及謚為氏者有以所封之國若邑若鄉若亭為氏者有以技以物為氏者故徃徃姓同而氏則分年代既遠族類益繁於是氏為姓而索之族矣歷漢唐宋元生齒之盛華夷之混又有以部落為姓者有因功賜姓者有因過因事因刑改姓者有避諱避仇避難避嫌改姓者有慕前賢名字冒姓者有音訛及音同文異或文同音異轉姓者有省文省言轉姓者其區分類別不可勝紀前代雖有氏族志等書流行于世類皆

蒐羅未盡互有詳略識者病之恭惟

皇帝陛下誕膺天命混一區宇車書萬里溥海內外遐陬僻壤咸沾沐

聖化安土樂生黎庶阜蕃又非前代之比臣等謹稽諸史牒質之圖籍旁搜博訪類萃成編約為韻語凡為姓一千九百六十有八名曰千家姓繕寫呈上極慚膚淺未能悉備萬幾之暇得賜覽觀刊布四方以便初學習讀天下之人有以知聖朝土地廣大人民衆盛 恩德深厚而思各保其族於悠久以同躋仁壽之鄉也洪武十四年五月朔日翰林編脩臣吳沉典籍臣劉仲質臣吳伯宗等誠惶誠恐稽首頓首謹言

進寶錄表

解縉

奉天輔運推誠宣力武臣特進光祿大夫左柱國太子太師

曹國公監脩國史都總裁官臣李昇隆等誠惶誠恐頓首上

言

聖人受命啓萬世之鴻基史氏纂書示百王之大法是故堯舜之事載之典謨文武之政布在方冊俾文獻之足徵實古今之通議矧創業垂統者皆在於貽謀而繼志述事者敢忘於紀載鋪張極盛之閔休揚厲無窮之偉績歷選前聞之作允爲達孝之規欽惟

大明太祖聖神文武欽明啓運俊德成功統天大孝

高皇帝應千年之景運集羣聖之大成天命眷顧之隆起徒步不階於尺土人心嚮服之誠未三年已定於京都龍飛雲從而華夏蠻貊罔不率俾日照月臨而山川鬼神莫不攸寧有過化存神之妙有綏來動和之應英傑不期而會遐邇不

令而從盡收當世之賢才大極生民於水火羣雄歸命者不戮一夫元主道荒而禮遺其嗣四方幅員之廣亘古所無中國先王之典悉復其舊守帝王心法之言明聖賢道學之統罷黜百氏彌綸六經範圍造化曲成萬物天休滋至而兢業貫乎始終諸福畢臻而謙抑純乎表裏在位之久三十餘年升遐之日萬方哀悼比於近古邈然罕儔漢高年不登於中壽光武運僅紹於中興唐高祖因隋之資宋太祖承周之業元世祖席累世之威皆未有若斯之盛也欽惟

孝慈昭憲至仁文德承天順聖 高皇后天生聖善克相肇

基則徽德邁於嬪妃開創功超於胥宇夙聞文定之祥允叶坤元之吉螽斯有百男之應鳩鳩均衆子之恩保合承季慶簡能造化之仁歷考古后妃蓋莫盛於周室然摯有誕聖之

祥而無輔運之跡邑姜有輔運之迹而無誕聖之祥矧皆起
邦君式克承世緒降及近世皆非等倫若夫同起布衣化家
為國正位中宮十有五年家邦承式天下歸仁誕育聖躬萬
世永賴自古以來未之有也欽惟

皇帝陛下合體乾坤重華日月煥帝堯之文章續武王之繼
述孝事

太祖有見而知之之實廣詢當世得聞而知之之詳發蘭臺
記注之書而徵以藩邸之副袖金滕石室之秘又考於世家
之藏爰當嗣位之初首頒脩史之詔命臣景隆忠誠伯臣茹
瑞翰林學士臣解縉總裁翰林學士臣王景禮部尚書臣李
至剛侍讀臣胡靖臣曾日章臣王灌臣胡儼侍講臣鄒緝臣
楊榮臣金幼孜臣楊士奇修撰臣李貫臣吳溥編脩臣楊溥

臣鄭好義檢討臣王洪博士臣張伯穎臣王汝玉典籍臣沈
度臣潘畿待詔臣王延齡給事中臣朱紘吏部郎中臣徐旭
禮部郎中臣胡遠戶部主事臣端孝思太常博士臣錢仲益
國子博士臣金玉鉉助教臣王達行人臣蔣驥僉事臣

知府臣劉辰知州臣鄒濟知縣臣王褒臣楊觀臣梁潛臣趙
季通臣沈瑜教諭臣劉宗平臣解榮訓導臣羅思程臣傅貴
清晉府伴讀臣蘇伯厚靖江府教授臣張顯儒士臣端禮臣
楊孟力臣朱逢吉臣莫士安纂脩慎選多士賜宴便蕃即開
館于禁中屢繙閱于機暇以百人之多歷期年之久惟盡校
讐之力實無黼黻之能巍巍道冠於百王蕩蕩功超於千古
是知禮樂征伐之自出必有訓古之文雲霞花卉之生色不
勞繪畫之工開王府而見璫璣惟自慶其希遇仰青天而瞻

象緯又奚罄於名言皆據事而直書不假一辭之贊美但續次以成編永示萬年之大訓謹撰述

大明太祖聖神文武欽明啓運俊德成功統天大孝

高皇帝實錄一百八十三卷繕寫成一百六十五冊謹伏關上進臣景隆等無任瞻

天仰聖慚懼屏營之至謹奉表以 聞永樂元年六月十五日奉天輔運推誠宣力武臣特進光祿大夫左柱國太子太師曹國公監脩國史都總裁官臣李景隆誠惶誠恐稽首頓首謹進

賀文趾平定表

黃福

天地以生物爲心四時順序

聖人以安民爲德一視同仁干戈喪戢而海宇清平禮樂脩

明而神人歡慶恭惟

皇帝陛下與天同運如日方中齊虞舜之文明重華協

帝邁周武之功烈廣大如

天顧德威之所加惟遐邇之咸服聲爲律而身爲度車同軌

而書同文夫何交趾之炎荒敢外中華之聲教爰稽厥土寔

古頑夷在漢唐僅能羈縻至宋元尤爲叛服逮乎黎醜仍踵

弊風負井蛙之見而自尊致涸魚之禍而莫悔奈何簡定之

餘孽復效前尤繼而李擴之狡童再循覆轍逞狐鼠之威而

蹂踐疆域恣蛇虺之毒而吞噬邦人邊塵彌漫蟻聚蜂屯之

是覩田里蕭索雞鳴犬吠之不聞盡傷造物之心憤激神人之怒

皇上每垂戒諭屢擴至仁彼乃愈肆跳梁恣爲不道爰興睿

筭用命偏師天戈一指而蟻穴盡空風帆再舉而鯨濤頓息
渠魁既殄遺孽悉除共惟拯救之勤式慰後蘇之望班師振
旅喜文德之誕敷行賞錫封覩武功之載戢郡邑有守令以
懷保衛所有士馬以隄防千年草莽之區變爲禾黍之地累
世雕題之衆化爲衣冠之民衣食足以養生絃歌足以易俗
輿圖舊物予以光復山川精彩予以發舒賦列九州不止金
人之貢化均萬里遠踰銅柱之功氛祲廓清雨暘時若實由
懋先之盛德冠古之隆功致今日之太平雪前代之遺恨也
臣顧慚微賤幸遇

聖明垂憫愚蒙有罪特加寬宥位階御輔受恩實荷深洪始
詔開百粵之新藩遂今掌二司之重寄拜
命惟謹懼德弗堪易俗移風勉承流而宣化彰善殫惡普激

濁以揚清遠慕阜變之良尚隆唐虞之治然遐隰之地雖異
而感報之心悉同凡霑雨露之民室家相慶獲際風雲之士
冠冕增輝咸欲觀照臨之清光予以謝生成之大德臣心感
激未能率領以來朝
天闕遙深徒切仰瞻而下拜敢效華封之三祝恭祈
聖壽於萬年

進五經四書性理大全表

胡廣

伏以六經之道昭如日星經緯乎天地貫徹乎古今放之則
彌六合卷之則退藏於密用之於身而身脩行之於家而家
齊推之於國而國治施之於天下而天下平蓋世必窮經而
後道明未有舍經而能治理者也是以聖王垂憲必資道以
開人賢哲肇基必稽古以作範故伏羲則河圖而演畫大禹

因洛書而錫疇孔子刪詩書脩春秋寓一王之法周公陳王業制禮樂弘百世之規况乎精一執中之傳尤重丁寧告戒之旨如斯顯迹昭然可觀自王道既衰異說蠡起燔烈秦火之餘穿鑿漢儒之弊其間存者不絕如絲莫能究其旨歸一切趨於苟且蚩綠故習鮮克正之於乎聖人之道不行而百世無善治聖人之學不傳而千載無真儒遂令往轍之難尋益發前脩之永嘆夫否必有泰晦必有明繇夫濂洛關閩之學興而後堯舜禹湯之道著悉掃蕪蕪之蔽大開正學之宗不幸屢阨狂言既揚復抑又因循數百年之間卒莫能會其說于一蓋必有待於今日者矣

天啓聖明誕膺景運我

太祖高皇帝天縱之聖以武功定天下以文教興太平首建

學校頒賜書籍作養人材茂隆政治四海內外翕然同風欽
惟

皇帝陛下文武聖神聰明睿知繼承大統紹述鴻勳成功盛德雖三皇而無以加事業文章與二儀而同其大治已至而猶以爲未至功已成而猶以爲未成體道謙冲遊心高遠乃者渙啓宸斷脩輯六經恢拓道統之源流大振斯文之委靡發揮幽賸鉤纂精玄博采先儒之格言以爲前聖之輔翼合衆塗於一軌會萬理於一原地負海涵天清日曠以是而興教化以是而正人心使夫已斷不續之墜緒復屬而復聯已晦不明之蘊微復彰而復著肇建自古所無之制作繼述自古所無之事功非惟備覽於經筵實欲頒布於天下俾人皆由於正路而學不惑於他岐家孔孟而戶程朱必獲真儒之

用佩道德而服仁義咸趨聖域之歸頓回大古之淳風一洗相沿之陋習煥然極備猗歟盛哉竊嘗觀之周衰道廢汲汲皇皇以斯道維持世教者惟師儒君子而已未有大有爲之君能倡明六經之道紹承先聖之統如今日者此

皇帝陛下所以卓冠百王超軼千古者也臣廣等一介書生竊知章句大學賢關渾未造其闢奧圓冠方屨固慚列於章縫幸逢 熙洽之時謬忝校劇之任每受成於指教亦何假於施爲樂觀就編豈勝歡慶與天下而同惠於萬古而有光尊所聞行所知求不負於教育正其誼明其道期補報於昇平無任瞻

天仰

聖激切屏營之至謹奉

表隨進以聞

親征胡虜回鑾百官賀表

楊士奇

欽奉 敕書五月十三日大駕親率六師掃蕩胡寇撫輯降附沙漠永靖誠宗社生民太平之慶謹奉表稱賀者臣某等誠懼誠抃稽首頓首上言伏以

帝王之治統育於萬方仁義之師無敵於天下博施洪恩而濟衆駿揚神武以除殘廓靖北陲奠安中夏臣民懽抃海宇清寧恭惟

皇帝陛下廣大高明剛健中正惟萬物之得所溥一視而同仁舞干羽于兩階昭郁郁禮文之盛執玉帛者萬國致源源朝覲之來獨茲窮北之孽胡蠢焉自外於

皇化拒招懷之綸命遏撫諭之使輶數犯邊疆肆虐黎庶蓋恣行而罔畏畧無悔罪之情不得已而用征誠爲保民之計植黍稷豈留於根莠育鸞鷲必剪於梟鴟萬乘親行運神謀

於霄漢六師奮發掃氛翳於遐荒加烈火於鳴毛震迅雷於
蟲戶兇渠盡馘恩命覃宣撫綏殘弊之氓敷布融熙之澤春
榮秋肅皆本乾元之仁日彩星華煥麗天旋之景前雪前王
之讐耻肇開永世之升平臣等欣候凱旋恭摠賀臆仰
皇明於六合如日方中祝
聖壽於萬年與天同久

兩朝實錄成史館上表

楊士奇

伏聞上有堯舜禹湯文武之君斯有典謨訓誥誓命之紀當
時所錄萬世攸師自漢以來暨于唐宋皆建史官專職紀述
我國家奉天啓運

聖聖相承大經大法明于上善政善教被于下萬方一統海
宇清寧洪武以前

神功聖德史氏所記具有成書欽惟

太宗體天弘道高明廣運聖武神功純仁至孝文皇帝剛健
中正廣大欽明體天之心行天之道勵精爲理躬儉愛人再
奠邦家中興鴻業文治光昭於日月武烈弘靖於華夷大畧
雄材茂功偉績規模弘遠卓冠百王欽惟

仁宗敬天體道純誠至德弘文欽武章聖達孝昭皇帝孝友
英明寬仁恭儉敬天法

祖制治保邦明目達聰周詢民隱時使薄斂博施濟人撫盈
成之運廣文明之化丕新政紀覃敷德澤晷月之內天下歸

二聖升遐雲車益遠萬姓哀慕海宇同情恭惟

皇帝陛下文武聖神聰明睿智續承大寶君國子民推廣至

仁繼志述事歌九功之惟叙得萬國之歡心上念

祖宗功德之隆同符天地覆載之大宜宣昭於簡冊垂儀範於帝王宣德元年五月勅脩

兩朝寶錄命臣輔臣義臣原臣吉臣監脩臣士奇臣榮臣幼孜臣

山臣英臣溥臣總裁臣祭臣英臣直臣述臣時勉臣習禮臣學

變臣循臣從善臣驥臣鶴齡臣洪臣永清臣叙臣曰恭臣敬

翰臣稚臣蕭臣繼臣中臣封剛臣文奎臣節臣錫臣萼臣纂

脩發左右史臣之所記閱中外官府之所上兼考章疏叅之

見聞編載事功必備著其本末纂述謨訓必致謹於精微關

制度者雖細不遺切幾務者雖明必審於紀叙

聖神之道德如繪畫造化之功能擬諸形容誠難髣髴乃若

附錄臣下必在究明是非訖五年正月恭成

太宗文皇帝實錄百三十卷

仁宗昭皇帝實錄十卷合百有四十卷謹繕寫上進伏念臣

輔等智識淺陋學術空疎曠歲月而久稽亦討論之惟謹方

諸良史深愧之三長之稱監于

先朝庶少資

萬幾之暇 經筵謝表

知 經筵事太師英國公臣輔同知 經筵事少傅兵部尚

書兼華蓋殿大學士臣士奇少傅工部尚書兼謹身殿大學

士臣榮禮部尚書兼翰林院學士臣溥兼 經筵官詹事府

少詹事兼翰林院侍讀學士臣直少詹事兼翰林院侍講學

士臣英翰林院侍讀學士臣時勉臣習禮侍講學士臣循侍

讀臣衷侍講臣穀倫撰臣愉臣厚等茲者恭遇 經筵肇啓
聖學維新講讀侍臣咸膺 恩澤謹奉表稱謝者臣輔等誠
懼誠忤稽首頓首上言伏以天清地寧昭

聖皇之統御時康道泰美文治之隆興日月光華中外忻悅
恭惟

皇帝陛下聰明睿智廣大寬仁尊 尊親 親宗

兩宮之至養推恩布德得四海之懽心是以三光全而寒暑
平五穀熟而人民育益勤稽古之學益弘養正之功謂易書
詩禮春秋之文皆堯舜禹湯文武之道

萬幾有暇恒

親御於經筵多聞是求肆詳延於儒雅用資啓沃用致進脩
上以承帝王心法之傳下以錫臣民皇極之福光

祖宗之洪業擴海宇之隆平臣輔等猥以庸才咸叨榮命荷
絲綸之飭勵繼宴錫之駢蕃於緝熙單厥心允協周成之德
念終始典于學故陳商說之篇

巡狩及平胡回鑾旨官賀表

伏以巡狩省方舉帝王之盛典回鑾振蹕煥功德之大成八
表清寧萬方忻戴恭惟

皇帝陛下聰明睿知廣大寬仁奉天勤民秉聖誠之純一繼
志述事溥德化於雍熙尚惟親歷於撫綏肆用肇稱於巡省
兩京弘建瞻日馭之輝煌萬乘吉行霈天恩之洋溢

聖仁篤近而舉遠神武除暴以安民天討用彰奮風雷於瀚

海

皇威所至廓氛翳於陰山神靈煥發於嘉祥孽虜莫逃於遺

類盡雪漢晉唐宋之耻永隆

國家宗社之基六師咸奏於凱歌四海遍騰於懽頌雲承翠輦廻

龍御於九重星拱紫宸上

天顏之萬壽臣某等忝班朝列喜切遭逢

聖治神功仰昭明之如日

瑤圖寶曆祝悠久以齊天

駕幸文淵閣謝表

楊榮

臣楊榮等茲者欽蒙

聖駕臨幸文淵閣周視臣等寓直之所特頒恩命增益室宇兼賜飲饌器用周悉備至

聖恩廣大感戴惟深謹上表稱謝者臣等誠懼誠抃稽首

首上言伏以

日月光華當

大聖龍興之運車書混一正文明天啓之時

變御幸臨儒紳遭遇恭惟

皇帝陛下聖神天錫剛健日新典章法度之弘脩功成理定

華夏蠻貊之率俾近悅遠來萬幾餘閒怡神稽古六龍捧御

寵顧延英上深軫於

天心頰垂矜於寒士廣其室宇遂涼燠之攸宜給以饗殮兼

什器之咸備凡百所用靡一弗周同乾坤覆載之恩踰父母

生成之賜是皆

皇上聖仁廣大明睿照臨溥德澤於萬方施由侍從昭禮文

於千載高出古今所以致海宇之雍熙所以隆

皇圖於永久臣等深慙末學幸際明時被沐 恩榮匪名言之可罄策勵篤鈍豈報效之敢忘端秉寅誠恭陳申謝
龍翔鳳翥瞻五彩於中天春育海涵祝萬年之
聖壽

駕幸太學謝恩表

胡儼

國子監祭酒臣胡儼永樂四年三月初一日欽蒙

駕幸太學謹奉表稱謝者臣儼等誠懼誠忭稽首頓首

上言伏以

明德建中立百王之大法 崇儒重道闡千載之宏規

綸音渙發乎九重士氣聿增於六館懽均

朝野慶洽

天人恭惟

皇帝陛下濬哲溫恭剛健中正仁義同於堯舜功烈邁於禹湯 闕里詩書敬仰 先師之如在寰區聲教啓迪後學於無窮式崇 舊章肇稱殷禮 鑿輿幸臨於璧水縉紳圍集於橋門惟 君惟師以教以食衣冠之美籩豆之序秩秩乎有容鼓鐘之音絃誦之聲洋洋乎盈耳自唐虞三代以來未有盛於今日者也臣儼等忝職成均叨承 寵遇敷言是訓永依日月之光華造士登崇願效涓塵之補報無任瞻天仰 聖激切屏營之至謹奉表稱謝以 聞

進實錄表

王直

臣聞自昔帝王有大德以及於萬民則必有信史以傳於千古是故堯舜之道載諸典謨文武之政布在方冊漢唐而下皆有成書欽惟

宣宗尊諡章皇帝剛健中正廣大高明績

祖宗之鴻圖隆慈聖之至養脩六府而備三事親九族以和萬邦好生之德允洽於民心育物之仁實協乎天道有戡暴除亂之武有經天緯地之文聲教宣昭禮樂明備華夏蠻貊罔不率俾山川鬼神莫不底寧大略雄才豐功偉烈輝映前代儀範後來奄 龍御之上升切臣民之哀慕恭惟

皇帝陛下聰明睿智文武聖神尊 祖敬宗繼志述事上念先皇之德業必著簡冊以流傳爰敕儒臣纂修

實錄啓蘭臺之所載紬金匱之所藏徵諸官府之文書參以耳目之聞見大經大法備究於精微善政善教致詳於本末言足為訓雖簡必書事之可師雖繁必錄造化生成之妙固莫罄於名言日月照臨之明亦豈容於繪畫至若臣下之附

載勉盡是非之至公恭成

宣宗章皇帝實錄一百一十五卷 實訓十二卷及目錄凡例合一百二十九冊謹繕寫上進 臣等愧庸淺之無庸屬編摩之甫就傳于來世永昭道德之光率是 嘉猷茂衍太平之慶

賀新殿成表

伏以北京建極開萬方會同之都

南面嚮明受一統華夷之貢宜規模之宏遠聳遐邇之觀瞻率土騰歡普天稱慶恭惟

皇帝陛下剛健中正睿知聰明丕承

列聖熙景運於太平茂育羣生暢淳風之清穆惟尊

祖敬宗之大在繼志述事之能顧

宣宗尊謚章皇帝剛健中正廣大高明續

祖宗之鴻圖隆慈聖之至養脩六府而備三事親九族萬邦好生之德允洽於民心育物之仁實協乎天道有除亂之武有經天緯地之文聲教宣昭禮樂明備華夏固不率俾山川鬼神莫不底寧大略雄才豐功偉烈輝代儀範後來奄龍御之上升切臣民之哀慕恭惟

皇帝陛下聰明睿智文武聖神尊祖敬宗繼志述事

先皇之德業必著簡冊以流傳爰敕儒臣纂修

實錄啓蘭臺之所載紬金匱之所藏徵諸官府之文書必耳目之聞見大經大法備究於精微善政善教致詳於大言足為訓雖簡必書事之可師雖繁必錄造化生成之妙莫罄於名言日月照臨之明亦豈容於繪畫至若臣下之

載勉盡是非之至公恭成

宣宗章皇帝實錄一百一十五卷 寶訓十二卷及目錄

例合一百二十九冊謹繕寫上進臣等愧庸淺之無庸屬摩之甫就傳于來世永昭道德之光率是嘉猷茂衍太之慶

賀新殿成表

伏以北京建極開萬方會同之都

南面嚮明受一統華夷之貢宜規模之宏遠聳遐邇之觀率土騰歡普天稱慶恭惟

皇帝陛下剛健中正睿知聰明丕承

列聖熙景運於太平茂育羣生暢淳風之清穆惟尊

祖敬宗之大在繼志述事之能顧

朝廷當備於崇嚴而宮殿必資於營構祗循舊典式闡鴻猷
兆姓子來咸自樂以效其用庶邦星拱皆不勞而觀厥成魏
魏麗紫微之高翼翼表宸京之壯績靈臺之贊詠誠儷美於
周文紹總章之達聰實比隆於虞舜仁恩溥博德化宣昭廣
宅中圖治之謨恢保大定功之備 本支繁衍 宗社莫安
臣欣遇盛時恭陳善頌仰

皇明於八表如日之升祝

聖壽於萬年與天同久

釋罪後謝恩表

陳循

臣陳循謹奏為謝 恩事臣仰蒙

皇上天地之大日月之明垂光於覆盆無幽不燭迴瀾於逝
水無遠弗追拯念褒加哀矜憫恤臣不勝感戴之至理合謝

恩臣循誠惶誠恐稽首頓首百拜謹言恭惟

皇上一德同乾坤之廣大咸覆載於萬方 重華合日月之

貞明普照臨於八表如臣草茅之賤質亦蒙江海之深恩向

被陷於落井下石之讐人遂謫以屯田備邊之戍卒斯須難

保顛沛靡寧戰戰驚心惶惶度日萬幸仰賴 天與

皇上深恩厚德庇佑臣身處患難於四五年間臨萬死而得

一生受艱苦於數千里外度危災而存殘喘茲蓋伏遇

皇上聰明聖智寬裕溫恭如日方中極廣大高明之盛與天

同久盡財成輔相之功 作之君作之師追配乎堯舜禹湯

文武明其誼明其道務契乎易書詩禮春秋得萬國之歡心

臻一統之盛治明見萬里之外尤嚴照於覆盆仁敷九域之

中重發生於枯木孳孳養賢以及萬民之心切切愛人必先

四窮之意雖愚臣薄命負尋章摘句之庸材荷

聖主深仁除執銳被堅之重役 恩命播傳於千里士庶欣
聞懽聲振動於一家妻孥舞蹈幽壑春生於腐草廢爐暖發
於寒灰繫鳥出籠復遂山林之素性涸魚得水獲遂鼎俎之
橫災親恩豈能及乎

君恩再造實不下於 洪造雖百口粉身碎骨消埃莫補於
河山縱九泉秘魄藏魂頃刻難忘於 德澤恨筋力日衰於
老病不能效犬馬以驅馳奈忠誠長激於心肝期永同葵藿
之歸向竭一誠而祝望頌 萬美以揄揚匪愚陋之私情誠
華夷之通願敬 天法祖

聖明已超冠於百王納善用賢

皇上實允符於二帝制治保邦之有道承 先裕後以無虞

是以 三光全而寒暑時溥致百穀熟而民人育江河海嶽
重重鞏固於四方 子孫曾玄聖聖繼承於萬代得其位得
其祿興隆遠紹於

皇圖長如地長如 天永乂上同於

聖壽臣謹齋沐昧死具表謝 恩以 聞

四窮之意雖愚臣薄命負尋章摘句之庸材荷

聖主深仁除執銳被堅之重役 恩命播傳於千里士庶欣
聞懽聲振動於一家妻孥舞蹈幽壑春生於腐草廢爐暖發
於寒灰繫鳥出籠復遂山林之素性涸魚得水獲逸鼎俎之
橫災親恩豈能及乎

君恩再造實不下於 洪造雖百口粉身碎骨消埃莫補於
河山縱九泉秘魄藏魂頃刻難忘於 德澤恨筋力日衰於
老病不能效犬馬以驅馳奈忠誠長激於心肝期永同葵藿
之歸向竭一誠而祝望頌 萬美以揄揚匪愚陋之私情誠
華夷之通願敬 天法祖

聖明已超冠於百王納善用賢

皇上實允符於二帝制治保邦之有道承 先裕後以無虞

是以 三光全而寒暑時溥致百穀熟而民人育江河海嶽
重重鞏固於四方 子孫曾玄聖聖繼承於萬代得其位得
其祿興隆遠紹於

皇圖長如地長如 天永乂上同於

聖壽臣謹齋沐昧死具表謝 恩以 聞

第 35783 号


平成 3.11.22

聖和學大
園短書館

928

7

2



第 65 卷 第 1 号
1955 年 11 月 25 日
第 1 期
第 1 卷 第 1 号

第 1 卷 第 1 号

